



樓邨詩集卷十一

寶應

籍玉武丹膏鏡方若

寶應

畢蘇集

辛巳

元日展書獨坐喬無功邀過縱權園看雪遂訂

梅花之約

窗楞上朝曦鵲語報新節嘻嘻兒女子衣衫炫鮮潔廣
術交屣履名刺走蹶躡閉門非玩世實不耐疲茶隔歲
留嚴寒檐雪照濛沱對之手一編胷腑頗澄澈愒悅睨
高空曠邈厭羈縲穎君忽見招清景待搜抉籃輿遠衝
泥過溪凡幾折當階一展眺豁爾人境別峰勢半隱現
雪貌一凜冽礪道逼光影履齒觸凹凸水亭明四圍俯
檻冰尚結高樹風稍稍玲玕拂帶嶸踟躕返虛堂圍爐
樽酒熱把杯挹晶瑩暮寒轉清絕凍池如錦平紅橋卧
雌霓乘興登畫船艤岸不可柅浴山萬梅花細蕊已徧
綴滌滌搖冷光斜陽乍明滅嶺昏白雲深迴望共怡悅
相期權春波更看花如雪

次韻周宜一煥閣四首

閒閒容膝地煥老恰應宜一簇留溫火三竿愛早曦書
題都墨濡投報有瓊枝不用頻呵凍伸箋寫好詩
蕭颯頭已白奔走舌猶存有夢耐支枕無心賦過軒蟲
依冬煥出鵲報晚晴喧深喜門常閉窺窗月一痕
散騎寧庸巧零陵只愛愚收身原偃仰插脚亦跣趺漏

日看塵影浮香悟，幻軀忘言已。齊論多事是潛夫。
京華同騁轡，過眼七年前。我亦尋蝸舍，君應擲馬鞭。
寒輕融雪日，春淺放梅天。酒伴還相訪，投林憶古賢。

疊前韻末首兼以志別

斟酌吟身煖，此中較最宜。有時成晝睡，盡日得冬曦。
白榻氈垂角，青瓷蠟綴枝。門前誰剝啄，多是索題詩。
幽薊雙韉破，崆峒一劍存。低徊披故篋，睥睨歷華軒。
室有隙駒過，牀無鬪蟻喧。閒心託毫楮，銷得硯凹痕。
已自耽乎默，何妨類鈍愚。冥思縈一髮，癡坐息雙趺。
候暖蘇蠅翼，凌寒養鶴軀。看君用幽意，別署白雲夫。

相逢旋欲別，暫共晚峰前。清醕梅花舫，斑駁楊柳鞭。
春

樓郵詩集卷二

罍蘇集

二

歸安樂地暖，趁艷陽。天自喜三蕉，葉開缸。辨聖賢

燭下盆梅四絕句

不去倚風笑，共此清夜心。燭花銷幾寸，照見春深深。
鐵幹偃一尺，瓊英綴數點。定知作賦人，尚恨春情淺。
仙裳曳輕綃，肌膚映紅玉。我未餐流霞，却立不敢觸。
展開小絹素，踟躕愁趙昌。標格原難似，癡兒只覓香。

二月六日無功介夫邀同查悔餘看梅花小酌

用東坡牡丹三首韻

餘寒未全破，林香悄如無。特為孤山人，一一吐玳珠。
微紅兼澹白，遮映蒼山靄。園空花徑深，一筇聊共扶。
冠嶺簇萬樹，拂檻斜幾枝。東風欲盡態，芳意不自持。
橫

塘春波影澹澹頹陽時豈同桃與李天冶鬪春姿
好鳥枝間鳴朝眠聽喚起花事及良辰莫待綴青子幽
尋有吟侶不飲真成鄙倘爲十日留商量未開蕊

朱恭亭招飲梅花下時值積雨

山亭煙際雨絲絲檻外梅花剩幾枝可惜淹留成竟日
不曾細數落花時

偏是風標太清絕顛風狼藉雨頻摧東皇若解相憐惜
應許逢春自在開

二月十八日梅花十四絕句效誠齋體

朝來狂喜報新晴便蹋花林放脚輕定定春風三百樹
一時相向笑顏生

樓塘詩集卷十一

墨詠集

三

水北已開十分足水南纔見七分開水南水北花間路
一日須來一百回

春冶不波風澹澹春雲不動日遲遲不知作底顛狂態
銷得梅花爛熳時

漫山帶水栽花地乍雨半晴養花天妒殺穿林一雙鳥
朝朝暮暮裹春煙

千朵萬朵盡情白三株五株著意紅一種丰姿覺全別
非紅非白領春工

目成楚客底心情膩理煥光只暗驚不惜傾城都與看
幾人著眼得分明

簇簇丁香結蕊細叢叢豆蔻含苞新即可買來充作婢

塗朱抹粉學夫人

雨中洗出眞絕世風裏颺來倍惱人幽徑不曾緣客埽
一春黏在落花茵

聞說嶺南開寂早也曾鄧尉趁春晴故應一樣風光好
只欠流鶯四五聲

已被花香催詩句却慚詩句無花香天上人間何處覓
錯疑迷迭與都梁

山間坐石不肯去亭畔凭欄亦可憐我已三年止酒客
爲渠驅使到尊前

才過橋南復橋北旋來山後憶山前盡日筇枝忙未了
憑教喚作梅花顛

樓郵詩集卷十一

畢蘇集

四

迷離昨夜花間夢結習何當問夙因拈得色香小三昧
不妨常現散花身

不願化身千萬億但願留身一百年待得根株大于柱
便從花底作顛仙

放翁詩何方可化身千
億一樹梅花一放翁

野花

散步循青林浮煙紛漠漠梅花枝已空春風浩無著野
草盡作叢莖蔓互綿絡氣候所潛滋一一吐苞萼山阿
水之隈相間如綺錯小白自婀娜輕紅亦灼爍種類難
指名爾雅苦不博凌晨拂雨絲傍晚下日脚雖自細碎
物生意無厚薄得逢採春人幽仄遍探索臨風弄其英
暄妍破寂寞萬物各有時隱現視所託嗟彼空谷香無

人自開落

雨中無功招同汪民長喬鶴羣過縱擢園小酌

古香亭子

畫態吟情水樹中到來煙景入迷濛已經柳岸碧千縷
時見菜畦黃一叢眉黛小山頻拂雨靴紋淺沼乍縈風
詩人莫便貪春睡看了梅花春未空

放翁詩看了
梅花睡過春

同人清韻照樽前促坐欄杆小閣偏好是紛紅駭綠地
恰當語燕鳴鳩天檐風淡沓臨流水酒戶崢嶸羨少年
更待繞階翻芍藥老夫拚只為花顛

答馮文子二首

知在蘇臺未易尋水重山復悵迷津

戊寅曾尋所居不得携將神

樓部詩集卷十

羅蘇集

五

女雲何處望見楓林夢有因韓愈上書空羈縻江淹寫
恨自輪困誰憐青漢南飛鶴猶逐飢烏啼向人

來書有
尚謀升

斗之感

京華文酒不曾忘喜接緘題到草堂何日纔回橄欖味
於今同約蕙蘭香

文子有橄欖
蘭花之惠

越中舊宅山千疊淮畔

頻年水一方兩地相思春欲暮東風楊柳隔蒼茫

重治水田諸友人計畝分種用前韻二首

魚區草宅試重尋落盡潮痕問去津甌縱破時猶可顧
釜曾熱處不妨因憂生酒已一千日厲志禾須三百困
莫笑修齡索仁祖傾身營飽彼何人

禾經一冊久遺忘寂寞龍竿舊艸堂萬里擲身萍梗亂

五年跂足稻花香
疏排大瀆知何術
檢校新田尚有方
好共農人唱秧馬
青畦淺水泝泆茫

吉水李公德州田公家
睢州公合書相招以粗
營田舍未克赴名却寄一首

乍傳書札下瑤天
國士深知却自憐
一篋蟲魚原細碎
九衢衣馬獨遷延
庾家未得臨江宅
洛下曾無負郭田
企脚菰蘆煙景闊
祇依台斗望幽燕

次韻劉郡伯清明郊遊八首

綺寮春靄漾輕紗
遙喜晨光一縷霞
繞郭垂楊時曳珮
循溪飛旆不排衙
雲邊碧檻聞歌地
樹裏青帘賣酒家
好是韶華當令節
兩轡躡徧廣陵花

樓郵詩集卷上

望蘇集

六

冰銜標格擅春明
山水文章足勝情
畫戟清香寧局束
紅橋好景恰逢迎
稚圭最愛賓朋會
和仲時耽歌吹聲
萬頃琉璃汎空翠
紀游何羨羨陂行

欄檻晴空面遠天
遨頭名蹟故依然
平山景物栖霞寺
太守風流慶曆年
繡徧草烟沾宿雨
剪齊松蓋裏新煙
凭高最覺江南好
點點青螺鳥道邊

陂塘不見大雷宮
曲曲龍河路未窮
廿四橋通春水綠
十三樓剩野花紅
藻扁繡帳元嘉後
錦纜牙櫓大業中
千載繁華一俯仰
只今鷓鴣叫東風

桐華時節意悠然
游讌垂春仿昔年
有暇便應尋勝跡
此邦原合駐名賢
攬將波影明歌扇
塞得花香媚舞筵

更待薰風徧方沼紅蕖冉冉葉田田

蓮幕追陪興自豪良辰佳景待濡毫園林一幅畫皴細
梵剎三峰幢影高蹟面小桃晨艷冶迴腰新柳晚蕭騷
暮春禊事多酬唱盡是英瓊報錯刀

何遜春情杜牧秋蕪城詞賦迴添愁樓閣佳麗非無地
閣倚雲山最上頭是處綠樽銷暇日誰家紅袖倚扁舟
獨憐襟被江淮客遙駐蘭橈不自由

用柳州語

清淮南下海西徧十載鄉關倍惘然荒徑久虛東郭履
征途已秃繞朝鞭茶煙禪榻孤情在花霧春城昔夢牽
讀罷新詩意飛動隋隄風景又今年

王石谷蘿薜圖爲友人題

樓邨詩集卷上

畢麟集

七

我有幽栖心頻年靡定跡夢中見秋山疎蘿月光白層
巖不可名飛泉一千尺披圖恍若夢清境詎遙隔愛煞
耕煙人空翠細積巖安得向此間團茅矢弗告

叶山水

藍田叔枯木竹石圖

自有崑谷姿曾無丹青氣千載捐子瞻此中愜真意始
知董巨外別自得津逮或曰太枯淡掩卷但一喟

和顧書宣竹裏聽禽即送查德尹南歸

剪取一段輞川圖修篁簇雲枝交扶朝來小雨聲疎疎
洗出萬竿蒼玉膚有客南歸方戒塗苔裊敷坐紅氍毹
此時春入千花跗枝間嘒嘒禽相呼乍前乍後于喁俱

坐來聞此爲踟躕同聲求友不可孤當年伶藉高陽徒
入林把臂傾千觚先生身直承明廬却來野圃尋清娛
鳴鳩乳燕青春徂手擘雙柑催提壺晨風且復立斯須
與君竹上留細書蒲帆挂定煙糝糊江南風景今何如
更向春山聽鷓鴣

瓶中芍藥

紅藥屏前宛一羣颺暉發藻共氤氳寶酒乍展千絲錦
韋陟橫飛五朶雲未許色爲嬰粟占聊將香與蜜護分
二種皆瓶
中所有十年詞賦揚州夢酒殘茶鐙悵夕曛

客廣陵逢宮友鹿即送之京次留別韻四首

判年淮海各天隅旅舍相逢笑捋鬚與爾行踪同汗漫

權邨詩集卷十

畢蘇集

八

憐余心事亦狂愚未除結習翻爲累要合時宜莫更迂
此去上林新著作漢家楊意豈應無

文籍膏腴氣自華却看霜鬢爲愁加已經光範書三上
休記南華賦八义遠客風塵依故劍殘春情話試新茶
寸心不盡瞻前路一髮青山落日斜

感時濺淚幾篇詩驚殺薰衣傅粉兒操瑟齊門誰解好
橫牀周易不妨癡籥雲空闊思千里繞樹淒迷揀一枝
處處繁花開偏了年華消息客中移

風林畏佳似悲吟倚棹河橋細雨侵燕路關山迷蔓艸
隋堤楊柳變鳴禽陳登湖海高談地杜甫京華旅食心
陌上踏歌人欲別桃花潭水沒篙深

初夏過宮友鹿寓齋得觀閨秀韓靜菴詩句友
鹿暨家勿齋各有贈言次韻二首

當堦已過藥欄紅客舍青青草樹豐
午捧清詞柔翰出
渾教濃靄細煙籠
行循芳榭吟千轉
坐展霞箋寫一通
料得瑣窗人愛翫
高柔真不羨三公

字態詩情自有師
烘簾香縷倦彈棊
蘸來鏡閣青螺筆
製就絲欄白紵詞
錦段張衡愁裏見
謂友鹿梅花何遜句

中知謂勿齋和歌不少
天涯客漫想樓頭落紙遲

次韻宮如岡悼亡詩

綠繡笙囊事渺茫
河陽新句只清狂
李義山河陽詩
蓋悼亡之作白

頭不到錢刀
怨黃土空憐粉黛香
忍見竟牀施故簞
祇

樓部詩集卷十一 畢蘇集

九

收遺挂鎖空箱廿年曾記營齋日
一樣傷心字幾行
廿年

前余有悼亡詩

珠蘭

一種芳蘭入坐隅
嵇含草木自爲圖
蹇將碧藻魚分子
貫得青絲蚌吐珠
紉佩秋風雖較別
染衣香國却全輸
不須楚客嗟零落
纔離蠻鄉品目殊

疊前韻

移自南方天一隅
須邀十客共成圖
配將鞞鞞原金粟
壓盡珊瑚是綠珠
雞古含來香並烈
蜂衣褪後色全輸
便堪占斷揚州郭
何必蕃釐種獨殊

再疊前韻

紛葩異種媚庭隅畫譜宣和無此圖一夕狂魂飄篤禩
前生圓業落玳珠似將啼眼憑燈見肯把香心與蝶輸
但向東風能破恨石家十斛豈差殊

松陰讀書圖

坐擁松根綠逕幽藤花風落半巖秋十行過後無言說
惟見清泉石上流

宋子京修唐書圖

錦罽光中墮燭煤唐書幾卷是新裁回頭笑向添香女
昨夜煩卿半臂來

題友人小照

抱膝遙看煙影空清狂原是杜陵風百花潭上滄浪意

樓郎詩集卷十

巽蘇集

十

只在紅蕖翠篠中

華子岡旁竹里前故應獨坐有新篇彈琴長嘯風流在
不枉丹青畫輞川

題徐昭法先生澗上艸堂畫兼貽西照頭陀

頭陀姓戴名易字南枝越之遺民也寄跡於
僧賣字葬昭法先生于珍珠塢著虎丘表忠
補一篇載文靖公及澗上遺跡甚悉又有釣

臺詩五百首

鼎湖晝曠龍無所席藁孤臣淚如雨

席藁文靖公遺言也

香艸蒼

前魂夜飛臣報其君子肖父一樹冬青半欲枯枝上靈
禽自儔伍鐵函荒井抱遺編時有風流照毫楮儵然落

墨仿倪迂寂寂空巖帶平楚當年思肖畫蘭花只畫根
莖不畫土澗上襟情亦似之自寫草堂心毒苦我今讀
畫緬遺風江南鬼哭珍珠塢埋骨憑將賣字人更與流
傳表忠補好把巖陵五百篇留伴此圖共千古

雨後汪民長暨令弟沂谿姪雨平邀同宮友鹿

喬鶴羣載酒看園林新綠限蒸字

時友鹿將之京

昨朝霽色天澄澄今復弄陰雲如蒸主人好客不畏雨
招邀清興方飛騰美酒雙經載烏榜琉璃千頃遙乘陵
諸家園林煙一抹凌虛亭子欄杆凭此時花落亦已久
綠天如幕陰層層正逢五月梅雨後淨洗柯葉清光凝
坐中有客向京洛得不對此傾千升眼前好景莫輕別

樓邨詩集卷上

翠蘇集

上

塵沙北路愁難勝謝家封胡盡英特飛觥酬勸何頻仍
高談幽賞信可樂東方跋脈聊相矜天西殘日乍隱現
平林暮靄驚鬢髮柳風淡淡促歸棹牽縈水荇波徐興
人生合散復何定佳辰且可歡良朋紀遊例應有新句
詞華哲匠非吾能

六月九日蔚林邀同彥林書文賓谷玉岑雨後

泛舟紅橋長歌

三日猛雨雨忽歇迴風吹天雲不結主人狂喜召客來
雙橈盪入煙波窟夾岸平林翠幕張濯濯清光沁肌膚
新漲平添一尺強刺水秧針半浮沒指點濃陰細靄中
花滿蓮塘炫鮮潔絳裳翠珮一羣羣綽約凌波香鬱勃

苕絲初肥菱葉齊左右參差映澄澈此時不飲當奈何
酒龍故態還能發把琺瑯聽橫吹聲雲影欲停石欲裂
何人低唱好歌詞百轉千迴祇幽咽倏然爆響如滂雷
驚起蜃蛟雲海掣東來雨氣乍有無萬丈彩虹抱城闕
回頭不辨平山堂一剪杉杉覆嶺巖林咫尺但蒼茫
醉眼橫空狂叫絕文章太守不可名如此湖山對濠汴
竹西水調是何年千朶荷香待誰折扣舷忽憶漢陂行
杜陵舊句歌聲徹陰晴變幻亦俄頃人生哀樂總飄忽
諸君逸興似嘉州樽前好景且攬擷歸舟還見天邊青
柳梢已挂半規月

題宋孝思齋中二首

樓塘詩集卷十一

畢蘇集

十一

轉過廊腰蘚徑斜
凋遺草樹似山家
紅香一片霏微雨
便抵春風韋曲花

主人愛客並耽書
幽賞高談曉閣虛
坐倚碧欄秋正好
荷花開後海棠初

朱盼淘謁選得諸暨令寫雲山爛熳圖小照屬
題

我有愛山癖所至快所見所見非所有足跡若郵傳君
意與我同驅馳亦已倦鹿鹿三十年獲領山水縣如飢
日說食珍味今始薦君才利錕鋸亂絲只一剗公事既
以了屐齒恣游衍五泄天下奇江光引匹練鷺鷥烏宜
山朝昏嵐氣變全家在樓臺元相昔誇銜此地亦蓬萊

清詩題應徧平生一涉心于焉仲繾綣勲名君自有山
水我所羨但恐住三年報政難久戀更繪越山圖他時
仍覲面

送旴陶之任諸暨

蹕轡詞場久後先頻年塵鞅歷雙肩小山招我身將隱
飛鳥逢君更是仙當戶嵐光拖晚翠遶城江色引秋煙
平生爛縵雲山興遙寄羊何定幾篇

衣冠文季本無倫指點青雲好致身前路從今作階級
此鄉慎勿厭清貧須知利劍纔歸掌豈有亂絲能縛人
諸暨號
爲難治近日升賢多不次看君名姓達中宸

七夕

樓郵詩集卷十一

畢獻集

十三

驚秋梧葉已潛聽雲盡遙天暮影青月欲平弦星澹澹
河初絡角露泠泠虛檐自挂千絲網珍簾虛依六曲屏
乞巧文章成一笑滿身花影夢初醒

秋日重晤鮑又昭佟振北圖南仍次宮友鹿前
韻四首

重來下馬到庭隅別久驚呼王白鬚舉世弄九原讓巧
頻年抱甕已安愚幾番冷澹朝華改不盡盤陀世路迂
相慰微雲疎雨夜襄陽新句未應無

閒庭水木愛清華瀟洒襟情一倍加書簾香霏金屈戌
畫屏雲展玉丫叉踏筵作頌劉伶酒酌水繡經陸羽茶
正及空天下涼吹一枝青桂拂檐斜

參軍爲我誦新詩二謝都能勝客兒

鮑又昭終振北圖南各有和章慧

業定翻無量劫秋心合作有情癡已教明月隔千里暫
向高林栖一枝白露朝零煙草暮眼看杓角又西移

怕聽幽蛩墻角吟涼宵襟被旅愁侵未如抱膝南陽葛
漫學尋山北海禽兩地彫楓寒月夢三秋流水素琴心
披襟爛漫青燈影細雨簷花酒淺深

次韻圖南漫興三絕句

柳栗橫肩似野僧舊遊淮浦記吾曾半塘秋水青於黛
又聽輕橈唱采菱

東去龍竿野霧封歌成秧馬答山農猶思屋角牛鳴地
日日啼烏報下春

樓部詩集卷上

墨齋集

十四

秦機刀尺響秋風絮語真應咽露蛩却怪白絲顏色汗
枉拋金粟細裁縫

疊前韻三首

吾家年少記三僧虎子雄心我亦曾老去故應稍解事
磨成艾實是秋淩

黎橘空思千戶封秋田負郭媿村農年來不得花谿宅
欲覓吳門廡下春

何人肄雅與歌風細響嘈嘈砌下蛩怪底東籬飲酒客
遙思魯叟爲彌縫

西爽軒秋日偶成

秋清簾閣尚葱蘢滿眼爛斑點綴工幽徑綠霏天燭雨

小山紅颭海棠風，葉心絡網多藏蠹。枝杪懸窠，盡仰蜂
付與維摩一禪榻。坐來觀物對高空。

舟行野望

緩引蒲帆細，細風吹開初日淨。秋空野煙纔落，碧蘆外
宿草自搖清露中。甫里殘鐘依蚤莫，湖心有甫里寺洪湖新堰
隔西東。洪澤湖新修高堰水不東流故鄉菱蟹今成市，可惜流光付

轉蓬

高沙夜泊

逆上長川一棹停，高沙城外聽殘更。雲迷雁陣寒相語，
風捲葭叢夜有聲。身世空囊無住著，郊關羣盜尚縱橫。
已知任運爲長策，火照湖頭莫漫驚。是夕有盜警

樓邨詩集卷十一

畢蘇集

十五

舟次疊前韻

煙景長途百感生，一年寒燠已頻更。當風漸有裝綿意，
傍岸初聞打稻聲。野馬排齊殘日下，亂鴉飛盡片霞橫。
落帆路指鄉園近，蕭颯深秋只暗驚。

答金道周代簡

時爲同州守

九月江淮徧秋水，白日西臨雲氣紫。篋中檢得故人書，
迢遞離情二尺紙。君才本是萬人豪，馬跡天涯倦鞭箠。
火色鳶肩動九重，屢蹶還因特詔起。邠州近接古同
道周先官於邠疆，致上理平生廉智久。自將袖裏清風報

天子棘圍破例主，文章採得秦風自。豪喜暇來能憶舊

論交貽我英瓊清且美

道周以明經分校鄉闈見昭佳卷詩篇又有蒺藜鬱金之惠

蒺藜致自沙苑中鬱金香顯絲纍纍隔年始得作報章
慚愧曾無一端綺自從京洛唱驅歌涼風天未菽蘆底
君今正作本分官我仍彈鋏困泥滓愛君真喜君先達
身到煙霄只如咫向西一笑短長吟吹夢東風數千里

晚秋泛舟村中有感

寒光生曉吹小艇出斜川荇葉魚鰕國蘆花雁鷺天秋
畔無蔓草野宿有炊煙信是田家樂浮生只惘然
浪跡常千里收身得一秋勞人殊草草秋水但悠悠蠻
觸原多事夔蛇亦自由却迴飛動意澹漾任扁舟

磨劍心猶壯求田計已疎世塗應曠蕩吾道自艱虞歲

樓部詩集卷十一

畢蘇集

六

月江湖老冰霜草木枯扣舷聊一唱煙影正模糊

寄居

寄居猶及傍寒香檐宇秋深木葉黃本自年時悲散騎
也應風月瘦東陽一聲過雁知何託三匝昏烏有底忙
閒檢習家耆舊傳蔡洲曾記石為墻

自笑

移居圖畫羨神仙自笑支離已判年狂客豈堪頻問舍
孤蹤誰信欲牽船未妨東野無多具若向南山不問天
一院清光數竿竹吾家風味本悠然

索居

荆關寂歷一庭虛飯罷徐行亦自如吹落桐瓢風色裏

洗開梅萼雨聲初稚孫覓果晨牽袂小婢擎燈暮檢書
好是索居營慮絕未妨爾雅注蟲魚

閒吟

年華晚晚得三餘閒裏工夫要破除挂網花枝留玉蕊
貯罌水藻護金魚林泉經濟應須就冠蓋交遊已漸疎
猶恨向來餘習氣感時詩句不曾無

喬起東生日送海魚二種

子厚今年有令名

柳子厚三十三歲名大著起東今亦值此年也

等身籤帙正

縱橫閒酬歲月憑舒卷淨埽堦除省送迎舍北寒風方
響籜墻東舊雨好飛觥海蠹未足稱兼味聊佐先生玉
糝羹

樓郵詩集卷十

畢蘇集

七

起東携樽就酌疊前韻奉酬

物外相將且避名墨牀書案一窗橫時披霜影凌晨至
小破苔痕出戶迎特爲老饕新斫膾頓除酒戒數浮觥
短檠永夕耽清話世路風波任沸羹

重過喬白菴表叔柘溪草堂次壁間自題二首

韻

斜穿谿路訪幽蹤落日林塘暮靄封勝地別來二十載
小山添得兩三峰正尋北埭新開徑尚記南榮舊種松
愛煞苔花閒院落萬株楊柳護高墉
新亭水木浩無邊霜葉冰條劇可憐壁上自題詩句好
客來忽放酒懷顛虛欄夜影三星轉短檠寒光一穗圓

回首當年成底事比鄰風雨舊青氈

余辛酉年讀書村中所居相近

題白菴濯足圖

平楚垂濃陰亂石絡飛瀑其中窅以幽誰唱滄浪曲嗟
余瞻四方行滕蓉馳逐不逢清冷淵何以濯我足羨殺
圖中人弄此一泓玉道旁十丈塵咫尺不得觸白雲在
高天清颺滿空谷科頭褰荷裳插脚波浪痕便當整芒
屨五岳躡遐躅何用多煩憂泥濁歌獨漉

曉行

犯曉行輿冷敝裘細穿村路繞汀洲雪留殘色猶封草
冰結斜紋未礙流漁子艤舟日晶晶雁媒叫野風颼颼
道旁羨殺茆檐叟正擁烘爐豁睡眸

喬疑菴哀詞

樓部詩集卷二

畢蘇集

六

飛颺夜捲青桐樹白鳳羣栖曉無處遺民去盡淚痕枯
謂鷓林拙存諸先生獨挂荷衣歲將暮三間老屋號留雲寂歷松

根飽霜露披帷人在亂書間磊落不為爾雅註青玉案
邊羅古先手撥爐紅爇香炷面前日月去堂堂蒼狗白
衣變已屢劃然高嘯上秋空冷風吹裂星辰路人聞腐
鼠嚇紛紛十斛純灰難洗汙先生本是飲冰人凜雪肝
腸寫其素南山飛鳥晉囹明白日荒臺宋臯羽我亦疎
狂不自憐每蹋花關成小駐披襟洛誦所為詩一首詩
移日幾度一字兩字與細論相視而笑心無忤疎簾晝
影茶正香細雨簷花酒頻注記得先生七十時我有贈

言七絕句翼逢大耋及期頤舉觴更爲先生賦如何不
及十年期星暗少微墮穿霧無復流霞捧一杯往日瑤
華眼中故有子真能讀父書秣馬蘭皋踵高步時逢叔
弼憶歐陽猶向虛堂脫雙屨入門幽聽故依然白石蒼
莓自錯互茫茫箕尾去何歸天上故人待把晤回看風
引柘溪煙有人腹痛橋公墓

劉後齋鴻臚挽詩五首

二十年前祖道時金臺迢遞數行詩
辛酉冬後齋北上
余贈別詩有黃金
臺上更高
寒之句層霄宮闕人千里舊雨菰蘆酒一卮子政聲
名原獨出文房風調最相知自移星歲分生死
李義山
哭劉蕡
詩離居星歲易
失望死生分細數交期老淚垂

樓邨詩集卷十一

畢歙集

九

蚤歲騫騰繼渭陽標題澹墨姓名香紅蘭省裏唐才子
青瑣門前漢夕郎功在江淮傳奏牘風行嶺嶠典文章
從來樂衛稱冰玉棟折榱崩總盡傷
侍讀喬公有海口
議後齋有大田小
畝疏皆有功桑梓又侍讀
公與後齋先後典試粵西

記得衝寒騁北轅故人相見笑言溫經年篋衍添詩本
浹日衣衫澆酒痕別路低徊車幔隔
余出都時值後齋
退朝衢路中蹇車
別書緘零亂墨香存擔簦跨馬平生意今日纏哀到寢
門

別後英瓊遠寄將曩時酬唱不曾忘架書輦下諸名士
謂西溪夏重
西厓諸公接席山東兩侍郎
謂王田
兩公月過高臺秋對
影花分小市曉飛香六年夜夜楓林夢見說梁園徑已

荒
早是霜颺引素車墓門盼蠻一庭虛班聯北闕留卿寺
冠劍東城傍佛廬自有猗蘭光奕葉故應大鳥下堦除
人間箇矩多僂薄愴念遺蹤那得如

寒月梅樹影下六絕句

誰從素壁寫槎枒梅影離離近月華恰似西湖林處士
一池清淺浸橫斜
月中花影影中人人共梅花只一身瘦到十分清到骨
姮娥特爲著精神
廣莫風前獨立時寒宵應自少人知橫堦一片冰霜色
不是丹青画折枝

樓郵詩集卷十

畢蘇集

十

牆根此夕分明見枝上來朝仔細看待得春華一萬朵
幾番風雪耐清寒

冰姿玉骨本仙葩遙接吳剛桂影斜見說月中閒地有
中央何不種梅花

如此清光不奈何攀條弄影自婆娑一聲長嘯天如水
招得空中鸞鶴過

爲梅花驅雀二首

寒梅初著蕊朝旭融清霜氣候所苞孕離離遲春陽野
雀從何來踞噪每一行公然羣啄食散棄階圮旁爾乃
籬落物餐茲冰玉香飲啄各有族狼藉非所當拓我柘
枝彈驅之過東墻山中無竹粒留以待鳳凰

羽人采瓊葩香雪沁艷靨空山沆瀣姿胡爲飽凡雀我
與梅爲友結契頗不薄徘徊雙株間庭陰日企脚月中
撫清影霜中護淺萼倘令果厥腹我懷將焉託去去勿
復喧耳目快清廓保此春風初不渝歲寒約

寄湯西厓都諫索艸堂資

西厓先
有書至

雪片白於雨飄落梅花枝素書天上至值茲歲寒期開
緘讀再竟纏綿遙相思中宵耿不寐明月照我帷蕭蕭
視四壁我懷當告誰翩彼鷓鴣鳥栖息依樊籬嗟無臨
江宅漂泊常支離帝鄉不可見寂寞蘆之漪安得埽一
室日哦雲卿詩凜凜冬已暮春風來何時所思渺霄漢
聞闔生清吹丁寧北飛鴈爲我好致詞慚非花谿叟遠

覓草堂資

送黃精與起東二絕句

煨芋何須羨嬾殘華陽雞格當朝餐分甘定不嫌些少

抵得王喬奉一九

黃精一
名雞格

氣味甘平色正黃靈鍾戊己列芝房憑君細檢稽神錄
莫近人間酒餌香

樓邨詩集卷十一

樓邨詩集卷十二

寶應 王式丹 方若

畢蘇集 壬午

立春前五日瓶中蠟梅將殘舍西春梅欲放余將遠行有感而作

一冬氣候如春暄傍春翻見河水堅陰陽錯互時則爾閉門坐對爐火然硯北有花黃於蠟冷冷瀉水塵都湔平生自具冰雪骨凌寒轉更呈清妍青氈浮香欲匝月幽意與我久周旋舍西流光在何許絳跗一樹驚新鮮臘尾春頭暗相嬾綴枝早破瓊珠圓乃知去冬吹暖律特為醞釀梅花天人情頓已判向背吾意不欲區後先

樓邨詩集卷十二

畢蘇集

一

冷襟素抱在空谷瑤琚玉珮真神仙並持絕品壓凡卉曾城珠樹應差肩出旣不辭入不語不須相妒常相憐我懷如何當此日遙天騁望橫雲煙東風吹夢一千里離巢羽翻思飛翾冬時幸得伴花坐春時怪我輕棄捐冬春來往復何定百觚且勿虛花前

小院梅花一株將開漫成三首

夙有梅花癖當春便賦詩須知相賞意最是欲開時紅淺纔舒萼香微乍吐絲商量原細細煙靄正迷離

別圃自千樹閒庭只一枝但能就地僻豈不貴知希野雀早教避游蜂非所期祇應逢鮑照心賞獨嗟咨

鮑照詩偏

為梅
容嗟

輕風吹素影細雨發華滋未便愁飄落能無怨別離時將出
游 柳絲縈客駐鶯語報春知催放紅香滿猶能倒一
巵

題喬無功身墮亂書圍小照

喬穎齋中書滿幄題其顏曰不如學無功藏書處自題曰不如學齋副

墨之子洛誦孫四部縑緙色斑駁如今名士何紛紛
足奔馳溷塵濁拾得古人咳唾餘狼藉人前君將殷
顛也擁書堅閉門剔抉爬羅殊卓卓雲霞滿戶花翻
堦細細香芸浮屋角此中千載定相關何但名場競
騰遑君復自矜解禪悟手把楞嚴談大覺果然覓得
象罔珠與爾束書游曠邀

樓邱詩集卷十一 畢獻集

二

題喬介夫自苦牛屋織雞栖圖

層山翠且蒼蔓艸萋以綠東村牛鳴阜西舍雞登木
借問此何時秋風繞茅屋君非此中人胡為寫此幅
越石自激昂仲卿已局促世路夫如何浩然展幽獨
志士發遙嘅達人慕高躅中情自有取安用語流俗
野水下平川浮煙過寒麓且隨牧犢歸墻角聽伊
喔

擬別梅花三首

最多惆悵是花時隔歲探尋記詠詩真喜重來春
有信纔經相見客何之風車雨馬歸應晚露萼煙
莖夢與期百徧巡檐曾索笑江南江北漫支離

林間枝畔夙因緣是處回頭一惘然湖上煙絲
迎畫舸

漢南香片撲朱筵向年客游西湖及齊安皆值梅花開時他鄉殢酒都無
賴此地判花倍可憐笑比隋家舊詩句但存顏色過今
年

頻年踪跡任飄萍何計粗教慰此生矮屋三間容膝好
寒梅一樹照人清未酬微志花饒笑暫對流光眼自明
酒底歌邊盟約在離亭風雨客心驚

東裝未果復得與梅花共晨夕放歌四首

準擬晨風送遠人花前顧慕恰芳辰已開猶斂能邀客
欲去還留未負春搜索詩腸芰麗句安排酒琖名比鄰
從今得傍香林住日日狂奴醉態新

竿木逢場歲月徂春風何處著狂夫定知此客舌猶在

樓邱詩集卷十一

畢蘇集

三

却笑隨身錐也無佳日且憐花下侶先生原是酒之徒
幙天席地容疎放管領流光興未孤

且憑迭場浣塵情別向春工署職名天上司花原小吏
人間槓鼓是狂生醉斜錦帳雲千葉夢醒紅茵烏一聲
碎嚼寒香剛滿把便隨鐵脚到蓬瀛

平生多有梅花句暈碧裁紅仔細看洗眼更思標格貴
拈枝翻覺品題難故應凡卉羞為匹信有明霞高可餐
癡坐空階更無語澹煙斜日碧闌干

庭梅初開值雪二首

正月春未破餘寒釀恒陰庭梅初作花重雲天沉沈昨
暮霰微集曉起已雪深尋花寂無言泠然披素襟本自

冰玉姿清光同一林行當覲春華不忘歲寒心

霏霏疊橫枝皚皚壓紅萼檐際微風來無聲自飄落洗

沐出孤標毋乃太潔白叶翩彼鶯羣畏寒不敢託曾

聞古神仙玉英和雪嚼攀條我獨來高嘯對寥廓

雪晴後梅花盡放無功見招因風狂飲瓶梅下

漫成一首

霽色釋殘凍墻東見微陽柳梢一以綠梅花何昌昌春
寒久束縛今纔發其英物理忌驟竭天意留餘芳主人
敬愛客折花幃一房低昂各盡態撲衣無停香不肯舍
此去硯北徐舉觴東臯一萬樹疊錦如堵墻毋乃半狼
藉飄風太披猖相思隔煙水日暮天茫茫感時且閉門

聊可與徜徉

雙烈祠

後漢書臧洪陳容廣陵射陽人射陽吾邑之

東邨也祠建於前代新城王公爲郡司李時

曾經修葺歲久圯廢張明府鳩工重修益擴

其址今春落成同用新城公原韻遂成二章

竿摩價赤運義旗指東京列幕如雁行用曾公語吁嗟終寢

兵空留升壇語熱血飛縱橫青部雖樹績雍丘旋見傾

丈夫感知已大義况同盟嬰城徧窮蹙志不苟媮生一

日得死所烈烈借郡丞竊威望非冀安能挫堅貞至今

誦遺文聲淚一時并隕首踐昔諾豈曰冒天刑用太白語兩

公龍虎步視表猶鼪鼯耿耿留響像衣冠照兩楹夜半
鬼神入劔戟恍沸羹哭秦萬古哀何必論存荆固哉范
蔚宗無傷烈士名

雙騎箕尾去晶芒麗瑤京浩然不磨滅痛憤鳴五兵當
其莅東郡指撝意氣橫脫令都將相可扶大厦傾匡復
事不就節烈心所盟彼哉倂矩人蜉蝣祇朝生射水流
不息傳此守與丞後賢官吾鄉懷古欽忠貞葺宇踵前
武結念相合并擴茲數弓地留為百世刑堦圯埽瓦礫
墻壁驅鼪鼯杲杲日當戶謾謾風滿楹貯蟹炆鶩蕭鬱
塋芬菽羹干城在名教無俾委榛荆詎但修廢墜庶共
不朽名

城南曲

霏微春晚城南路綠徧垂垂大隄樹一灣流水碧千年
依稀李白聞鶯處李太白有白田馬上聞今日鶯聲不
鶯詩白田在吾邑城南
可聞野田蒿雀飛羣羣清狂裘馬更何人斗酒還思趁
夕曛向晚人家爨煙白不似并州作寒食也教潑火雨
熏霏况是吹花風絡繹平原芳艸明殘霞美人遙駐七
香車三月垂楊欲作花斑驪迢遞天之涯

丁香曲

天風委委吹餘霞散來香國紛華葩碧闌干前叫百舌
千枝萬枝細縮結結得同心豆蔻梢行雲颭颭春煙高
青陽欲莫憐顏色語燕嘯鶯鶯鎮相憶好傍斜陽仔細看

瓊瑤誰與報琅玕信是清狂陶處士都忘春色在長安
雲湖先生陶成嘉靖時孝廉以看丁香花不與會試

梨花歌和紫淵

愛花必愛香定知愛多誤平生愛梅花詎但以香故
紫淵來詩有云梅花不
有香梅花應避汝一枝瑤英何處來清曉容光浣風露
雙成自不借鉛華荀令熏爐無著處若教乘月向羅浮
壁人相倚無相妒眼底繁香萬樹紅錦鞵綺陌蹋春風
迷濛一院梨花雨蝶使不來花無語

海棠絕句

嫩綠輕容柏袂新燕支微點女兒脣如何飯顆山頭客
只向長安比麗人

樓部詩集卷上

畢蘇集

六

菜花絕句

繁花爛占野畦香掠影低翻蝶翅黃寒食歸寧誰氏女
也隨文杏上釵梁

盆中海棠歌

融冶春光何處所日上鬢鬣照檐宇有美亭亭麗以娟
卷紗翠袖宜輕舉
東坡海棠詩有翠袖卷紗之語朝來一瓊凍頗黎素
靨暈紅嬌不語丁簾半捲珊瑚鉤煙裊膏爐添小炷渠
儂不是倚門人欲前且却奈何許莫教蜜塞惹芳塵暗
結纏綿千萬縷墻外夭桃如送迎倡條冶葉春無主可
憐努力鬪穠華顛風狼藉三更雨

喜雨竹枝詞二首

一月不雨麥將枯田夫隴上行且吁乍聞兒童齊拍手
屋角一聲青鵝鳴

前溪後浦水光白連厓青青長一尺桔槔不動牛朝眠
摩挲雙鎌辦割麥

前少司馬繩海張公字卷書後

明史有傳黃岡杜濬亦為作傳

天狗西流地維裂羽書灑盡孤臣血榆林古戍夜呼庚
攬轡籌邊走旄旄大槍尤來蜂蟻屯延水旌旗盪巢穴
捷奏魚河讒口張灌水莊前埽車轍閒來翰墨時一親
掩卷撫膺中惋結起家赴難少司徒跋扈將軍方齟舌
見杜 笕樞志已擲頭顱皇路崩淪驥終蹶烏號弓影去

茫茫江介回頭心斷絕天星亂落廣陵濤箕尾騎歸耿

樓郵詩集卷上

畢蘇集

七

不減上源奉表彼何人大纛高牙舊同列神州陸沉責
有歸一死不欠臣職畢我披志傳緬平生此幅還堪覩
遺烈許身豈有故巢心酒底花間祇幽咽二句用卷中詩語 曾
從燕市弔文山山惶恐零丁歌未歇冰天自去傍龍顏留
取墨光吐虹霓夜深展卷一燈青颭颭悲風動溲洑

三月之杪碧落軒牡丹盛開四月上旬始闌余
以鄰並數飲花下爛縵迷離留髡徑醉猶記丁
丑移植唱和斐然逮戊寅庚辰余皆有作今復
搜括儉腹用廣韻鹽字得三十二句用識勝情

蕪記歲月云爾

來看百徧意未厭欲更著句口如箝春工貪豔殊不廉

枯腸陳語何堪拈雙株猶記離茆檐縹緲清夢來重簾
岫嶁丹篆題青纁斬新樹鄂隨年添神仙富貴二者兼
暮春料峭東風尖浮空雲葉飄靈竅主人惜花施愧懣
四圍暮靄明綵綵霞裾瓊珮略不霑都梁迷迭香冉冉
晚來懸照朱火炎琉璃一桁欺銀蟾粉靨淡埽燕支盃
綽約華桂揚蜚蠶高者拔起遙矚瞻下者伏藏潛窺覘
駢頭連臂如飛鷄橫陳側立羣襜襜環肥燕瘦無猜嫌
夜深欲睡安且恬我愛花茵一生黏祝希哲詩一生酒
黏在落花茵
國便爲十日淹破除牢愁捐懣愆先生賦筆揮松槩觸
我吟情笑掀顛醉倚箏琶疊洪纖更聽新聲阿鵲鹽

贈別龍篆姪之京即寄崑繩弟

樓邨詩集卷上

畢蘇集

八

瀟瀟雨濕淮南樹把袂懽逢黃叔度

黃叔度時寓吾邑

相對遙

思捫蝨入天風浩蕩燕山路人生合散踏泥鴻
儂指流光春已暮桃花落後辛旂開河壩一帆阿濟來七年不

見年逾冠雙眸炯炯何瑋瓌曩時體中苦羸弱今來峻
嶒喜頭角人間兒子多犬豚似爾何渠不父若阿父騫
騰三十年坐教蠓蟻遮雲煙會須射虎騁雙羈看君鞭
弭隨兩甄墨車纔傍雲亭側

龍篆壻于楊可師始自江南受室

即從江

南返趙北篋中聿牘燦于星箭筈摩抄貫鵬翼歸語顛

翁正相憶白日青楓照顏色小鳳翻飛奮長翮我輩老

蒼歌勅力方當聚首黃與楊

可師在都門叔威亦將往

腰間寶琬交

輝光恨我不來相頽頽酒龍狂態近如何燕市輪囷舊

兩多一飲猶應千巨羅

贈別李崇思長歌

時與黃叔威同寓留雲堂

翩翩青鸞鳥乃是鳳之族毛羽一萬羣旁睨避高蜀陰
林吐霧山谿訝夜飛蝙蝠迎昏鴉煌煌大星隱不見惟
與中天孤月相蔽遮我思黃子亦已久何處楚歌攬宿
莽李子襍被從南來蕙帶荷衣紛雜糅竹西歌吹古揚
州煙海香塵爛不收却向汜光湖頭洗雙耳相與揮斥
埃塼嘯傲凌滄洲春風動地起春花燦如綺蕭蕭留雲
堂落落黃與李東來雲氣青噴屹細雨垂楊增暮寒圍
碁劫罷金丸墜擊筑歌終玉漏殘執君手飲君酒河絡
角星移斗鷹隼摩天自飄忽後猊踞地作鳴吼眼底風
颯生兩肘會須押熊拉虎騁原藪焉能局促枯株守

題喬嘉賓夏夜翫月圖

深林不知暑况及夜氣澄蟾光下松頂照人清于水紛
彼觸熱客蠅蚋乃其朋手中一羽扇揮之良可勝四顧
何寂寂陰翳遙鬢鬢單縠披露影屣履踏石稜成嘯會
有賦阮懷方思騰此時渾無睡微風吹古藤

歲寒堂與顧瑟如話舊賦長句爲贈

我交顧子三十年中間消息常茫然今來歲寒堂中重
握手使我感舊心流連昔者吾師般陽公高懸玉衡鏗
鐘鏞同時喬公騁文苑彙萃羣賢相于喁雲堂未老冰
壑健洵盤淑離與余兄弟時過從爾時君如摩天鶻入

座逼人何咄咄撐腸書卷富包羅下筆山川排突兀栽
栽劍棧上青天洞口桃花霞一抹其餘大幅及小景營
丘河陽合而一玉雞堂前屏障開賓從聯吟浩煙月復
有吾家景州與歙州詩場酒國呼朋儔坐無虎頭意不
愜往往把臂傾倒轟醉白田秋自後感時多恨別前輩
風流頓衰歇故園屐印在蒼苔花鳥驚心刺悲咽南皮
客散存者幾惟有歙州淑離及君與余四人耳四人踪
跡復蓬飄薊北淮南緬遙企此日對君酒一卮細雨檐
花春如綺兩家兒子各長成羽毛努力風雲裏相看鬢
鬢半爲霜何事牽愁未休止君猶能畫余耽吟當年意
氣還堪擬龍竿寺下煙景新博支湖頭波鄰鄰但得秋
來取禾三百困黃雞綠酒能遲君歲歲扁舟來故人

樓中詩集卷二

畢蘇集

十

秦郵王維疑哭其亡女三十六首徵詩於余為

題四絕句

小鳳威儀迥曉暉和鳴節足是耶非人間不少鷓鴣翼
却向雲霄隻影飛

瀉酒龍頭辜負春曉簾串斷已栖霞散關不返鴛鴦夢

怨殺河陽署裏人

借李義山悼亡詩句反用之
河陽署裏人謂王茂元也

北船一別不成迴剩得悽風杜宇哀爭似香山談氏女
玉童携自太原來

堂前阿母禮金仙證徹空華莫惘然為語繡經老摩詰

如今月上已生天

摩詰有女
名月上

閨風篇

閨風在天際白雲何英英其上有神人蔡鸞游太清餐
霞飲沆瀣佩玉鏘瑤珎紫皇錫百祿星宿羅元精端居
運橐籥疵癘物不生嘑吹煦動植掌握調璣衡遐情託
歌嘯雲遨叶瑤笙一時羣散仙頰首領鏗鉤下界奏丸
缶細如蒼蠅聲乃知天上曲濁俗不敢爭舉手招我語
引掖開聲音嗟我無仙骨何由淨聰明授我一卷書籤
軸裝璜瑛捧讀再三竟沛若天瓢傾洗滌舊塵垢游泳
于澄泓夢寐啓靈笈遐哉望層城蓬萊隔縹緲蘭藥思
揚旂欲至風吹之海水移我情大道重根柢氣倏視虛
盈凡夫誤服食膚末空拘儻芝田旣荒蕪轂輓飢腸鳴

樓邨詩集卷十二

畢蘇集

十一

金液冀一匕羸怯躋佺彭願言隨飛鳧籥雲遶上征琅
霄牽羽衣琳簡厠微名韞然顧之笑所愧非方平

武林友人以龍井茶見餉因和中丞宋公龍井

茶原韻

昔從西湖尋龍井早春花雨飄層巖茶槍初萌未堪剪
攀條一喫心已收其時匆匆返煙棹好景芳味安能兼
故人知我有癖嗜箬籠遠寄來茅檐細茸如絲綠如洗
香氣已溢新幬籤衙官顧渚奴日鑄得不捧玩積且緘
手掬天泉伺火候白煙一縷縈黃簾復疑坐我薩埵側
龍井有
薩埵石清風習習吹浮嵐塵埃微縷如痼疾一酌便可
當神砭三賢祠下舊蹤跡撥雲泛雪經幽探坡公龍井
詩有撥雲

泛雪東海屠生殊解事未許中郎貽謗讒上清沆瀣工

品題素宏道謂龍井茶有草氣屠隆龍井茶歌云味同沆瀣上清家休論薑藪與橘鹽

江南春半有新句中丞公原唱首句云江南春半茶事動捧甌再讀掀吾

顛重澆舌本總酬和清宵破睡思高談

雨中舟行即目

我來大江南時卦占在垢正逢迎時雨野田插秧候細
茸出絲縷軟弱宛雛鷓霖霖甫飄絲滂沱乍奔溜隴岸
浮且沈灌潦一何驟脫復雨不止農事恐顛仆遙遙視
蒼山一一入霧穿老樹揉飄風撐披若苦鬪寂聽烏雀
喧橫疑蛟龍吼義御杳何之晷刻失旦晝所思渺天末
急棹思往就榜人咽不歌往往成宿留平生行路難雨
雲多翻覆任運吾道存躁進亦已陋未須嗟途窮何從
塞天漏且展古人詩逸響時一叩下春天邊青稍喜破
昏瞽推篷聊放歌平陂有往復

夏日過吳門謁宋大中丞即游滄浪亭奉和

吳天曉霽登公堂當暑頓若披清涼甫奉坐隅接談笑
便問曾否游滄浪滄浪之亭在何許戟門東去半里強
到來愴怳人境別但覺烟靄圍青蒼生客乍能辨徑路
髣髴圖畫徐迴翔滄浪小志有圖一幅一開祠屋拜木主使我感
憶心徬徨官銜日監進秦院當年以此罹謗傷絕塵逸
足不一試中道驟蹶寧所當抗疏萬言至今在規切時
政何琅琅廟堂已久束高閣先生亦竟終頽唐酷嫌持

國不解事掉頭獨來天一方四萬錢買好風月心隨魚

鳥離豺狼

子美滄浪亭詩迹與豺狼遠心隨魚鳥親

歐公梅公迭酬唱春風

醉倒聊常羊惜哉酒徒詩社地汙以章惇富貴塲浮雲

既逝復何歸冷風亭畔韓蘄王時移物換漸磨滅古寺

晚鐘沉殘陽修復端賴我公力盡刷蕪穢回幽光曲谿

長隈間檐宇一一題署交低昂高亭措挂削大石老樹

鬢髻環其旁却下坡陀臨浦澈小軒風過紅蕖香西行

觀魚轉步碕亞枝儂葉垂脩廊石上何年留方罍鷺鷥

毛珣滄浪亭詩鷺鷥飛上石碕盤

足音蹶然入精舍新詩

不見波茫茫

毛珣滄浪亭詩鷺鷥飛上石碕盤

足音蹶然入精舍新詩

照耀白堊墻我來盤桓不能去那復別覓雲水鄉平生

訪古有微尚每披小志空騁望安得襍被住茲地探尋

樓耶詩集卷十一

墨廡集

十一

日日追遺狂水光喬淪草木茂蘇子精靈如或藏塞天

奇氣久鬱悒伸於後世神應揚公今建豎豈蘇比千載

響奮以文章歐公愛才今復見萬竅一噫誠不忘

歐公詩

美氣尤雄萬竅號一噫

我才子美無能役但隨六一擔詩囊

滄浪八咏

滄浪亭

喚起滄浪夢重來上古亭依然臨水碧特地倚天青老

樹密垂幕層嵐遙列屏風流有酬和莫更恨凋零

子美滄浪

亭詩有詩社凋零之語

自勝軒

擇地宜冲曠小軒宵窳中一灣依淺沼三面引清風

閱猶多事形骸本自空臞肥期戰勝此意古人同
冲曠笑閱
形骸皆子美滄浪自記中語

觀魚處

行到觀魚處澄澄洗我心浮沉無定影灑灑有微音風
起藕花亂月明溪水深濠梁何必遠此樂一爲尋

步碕

騎入定不可措筇徐步宜
子美滄浪詩不可騎入步是宜
故應幽處好未許外間知宛委蘼花路橫斜梅樹枝迴廊方寂寂啼
鳥夕陽時

石枰精舍

石上一枰冷依稀似昔年未須論黑白且與賦方圓藥

樓邨詩集卷上

畢蘇集

十四

院滋新雨花欄暈晚煙就中多古意一一見詩篇
兩壁皆中

丞公詩

子美祠

范杜慚功業歐梅暢嘯歌冤含終古在名起後賢多俎
豆竹梧徑文章雲水富闡幽同不朽碑版照山阿

小橋流水

望去林巒秀遙知有路通池香牽弱帶橋影卧斜虹旁
舍煙蘿底層樓霧樹中因思問紅翠黯淡接玲瓏
子美滄浪

詩有紅黯淡翠玲瓏之語

鄰寺鐘樓

未到南禪寺鐘聲過野塘古來幾興廢今日但蒼茫園

有韓家號詩從白氏藏悠然託懷抱千載在滄浪

題馮勉曾葑水園

不從城市覓高居葑水東來步履初磴道入門苔滑澗
亭臺壓水樹扶疎標題一名皆好煙影朝朝畫不如
若許淮南客相對便依叢桂結吾廬

岸船

葑水園
中小閣

轉過廊腰俯一渠就中結構恰憑虛更無風浪牽船住
定爲花香傍岸居清到元章裝卷軸狂來魯望侶樵漁
我行正指江天路欲借帆檣縱所如

余因一偕喬無功訪馮文子於葑水園留酌移日翌日
無功邀同文子飲虎丘即事爲詩兼以志別

樓邨詩集卷十二

吳縣集

五

執手一大笑頭顱故依然君名挂任版而猶嗟迤邐矧
余困一經何以慰華顛回頭客京洛意氣莽後先酒陣
驟飛駁逐君摧兩甄判袂幾何時春華欲就葑水好
園林幽居俯清漣別久乍轟飲嗤我不如前韻君被逼
迫爛醉水次眠詰朝來虎阜曉風烏榜船訪顛留命酌
意將甘心焉君乃苦逃避斜照已樹巔念我便當別良
會期多愆此日一酬酢歲月忽復遷指帆指建業西望
江浮天飛鴻下沼沚去來渺雲煙秋風君北向相待東
籬邊

五人墓二絕句

日星正氣匹夫伸媿死衣冠拜跪人肖像生祠俱已矣

五人之墓高嶙峋

古木蒼煙照水湄，猶應叱咤見精神。游人只問貞娘墓，誰把椒漿酹五人。

千人石之東大樹三株徘徊其下，感憶菑川孫

公。丁巳八月，憲司檄下伐木爲戰船之需，公力言于撫軍虎丘諸樹得免。此三株尤公所愛。

今有一株將枯。

可中亭畔鬱蔥龍月到，風來影颭空留與。遊人作清陰，至今誰解憶孫公。

兩株榮茂一將殘，向我低徊歲月諳。莫訝攀條欲流涕，樹猶如此人何堪。

重到虎丘訪喬無功于短簿，祠留飲竟夕。

樓邨詩集卷十一 畢蘇集

十六

二十餘年憶虎丘，山根倚棹爲夸猶。樹籠石氣已多古，池冷劍光終不流。對客樓臺紅燭夜，回頭風月紫簫秋。携來吳郡新詩本，更與香山一唱酬。余丁巳歲寓虎丘，值中秋有和香山詩，是夕與無功各有作。

舊游重歷亦匆忙，踏閣攀林到夕陽。曲磴還來尋短簿，荒雲無復弔貞娘。羣山不改青圍塔，萬木方齊綠繞塘。爲爾勾留成永夕，風光此別倍難忘。

丁巳歲余偕仲兄素公謁菑川孫公子，于虎丘梅花樓時，汲公兄亦至，對酒徵歌，留連十日，今已俱逝，重來愴然，聊爲短述。

憶偕仲氏謁師門，往蹟纏悲不可論。石畔青蒼依舊好，

諸樹皆孫樓頭梧杓幾人存廿年合散吳歌咽一燈江
公遺澤

山暮雨昏蕭滅臨風歌楚些巫陽何地爲招魂

別蘇州回望諸山自朝

鄧尉支硎都未往洞庭飛夢只蒼茫此行真被山靈笑
笑道渠儂有底忙

劇有詩情對山色山靈應欲試詩才謝安也要登臨費
待我賣將書籍來

贈曰稽上人

虎丘詩僧
梵行清高

無本爲僧始覓句東坡拈句多參禪但無滓穢著靈府
脫手便捫青霞天我見詩僧亦已多手持大帙口懸河
徧蹋朱門拾咳唾不知於意將云何高天片月臨孤嶼

樓邨詩集卷十二

畢蘇集

七

噴雲欲霧千章樹中有異人披僧衣往往憑虛出秀句
山居十首字字工前身直是渭南翁心如止水寂自照
揮席人世凌飄風我行塵中長歎息喜向荒菴得相識
清談一夕去匆匆別後空巖寄遙憶

舟中望南岸諸山

大江盤折下滔滔排擁江干萬笏高似淡還濃全染黛
纔平乍起亦奔濤分來鍾阜兒孫衆截向滄溟鎖鑰牢
終古南條稱險阨幾朝興廢首重搔

黃天蕩弔黃將軍

天風浩蕩激濤聲疑聽樓船鼓角鳴百戰孤軍寧惜死
兩朝故老尚知名殿中馬阮鳴衰踞閫外高劉蛇豕爭

破盡山河身亦滅將軍精爽在瑤京

呈大司空熊公三首

曾依涇水謁高居建業今看更葺廬日色當軒新
簾履聲出戶舊尚書仰酬 君賜身名泰閒養天和歲
月舒八十潞公猶入相先生未老莫懸車

風波世路豈堪聞養蒙離本自分且以歌吟銷暇日
直將謠詠比浮雲支頤泉石原無悶繞膝璠璣總不羣
幾度薰風到檐宇紫莖花朵正繽紛

庭前蘭花正開

河梁猶記送行旌此日華筵醉醪醑喜對丰標頭尚黑
親承慰藉眼常青水環桃葉披涼袂雲起鍾陵入畫屏
慚媿淮南舊賓客小山蹤跡似流萍

樓邨詩集卷十二

畢蘇集

十八

閏六月七日

炎威無奈日方中喜見濃陰乍滿空近郭迷茫鍾阜雨
入林噴薄石城風頓收書卷教移席且傍庭階看洗桐
向晚涼生窗戶靜短檠清話與誰同

題所居檐前兩竹子絕句

捎碧高檐只兩枝此君原合對微之一聲浙瀝回清夢
早是金風玉露時

偶成

冉冉年華邁蕭蕭七月中客心驚野草病骨喜秋風巖
桂香分簇庭梧子作叢可知鴻雁信相待在江東

重登燕子磯

振衣重向磯頭立山霧江煙曉未收初日帆檣楊子渡
西風草樹秣陵秋頻來杖屨非生客迴望關河豈壯遊
此去勞勞復何定羨他江岸幾沙鷗

題雒臯許先生娛晚堂二首

自愛高居豈畏人閒情結構小堂新安排峰色迎初日
裁翦花枝待好春不乞丹砂原上壽但邀黃綺是良辰
就中樂事芳園足城市由來洽隱淪
舊是淮南厠小山暫停遊屐愛蕭閒更求勝地知難並
欲結吾廬傍此間略清言傾綠酒指摩塵眼對蒼顏
可知別後京華客朗月清風夢往還

題張茗柯小照

樓邨詩集卷十一

畢蘇集

九

披圖意已遠殆是餐霞人舉世走蠅螳詎足櫻其真往
者氣磊砢揮手捫星辰龍鵬挾風雨鱗鬣竟未伸老來
渺衆慮默坐觀大鈞偶然弄筆墨雲月間披陳香山結
高會逍遙撰芳晨茂林自清迴小山自嶙峋此中何所
有肺肝天下春康節先生云收天
下春歸之肝肺我生方行役對之飲
以醇佳日接清話和氣吹幅巾君家文成侯辟穀徒苦
辛豈如圖中者心與太虛鄰雙屨何閒閒團蒲相與親
憑將一麈尾為我埽頭塵

弔駱賓王遺墓次邵吾廬韻

墓在通州黃泥橋
邵首倡四絕句為

之微

金輪燭處上聲亂如煙仗義捐生自挺然海曲竄來成底

事一槭白骨冷崇川

萬古江河蓋代詩

用少陵語

須知對屬是宗師

用義山語

可憐未

派香奩體只逐時新婦十眉

佳句考功記石橋老僧興寄自逍遙若教魂返黃泥路

海日江潮尚可招

發冢憑將裨史書衣冠似巨唐初故應剩水殘山恨

不向烏傷戀舊廬

賓王義烏人其地亦有墓

再疊前韻

千年隧道卧荒煙身沒名高豈不然却怪唐書輕節義

只于文苑配盈川

豈但長安古意詩風雲叱咤亦雄師中興不屬徐公子

樓郎詩集卷十二

翠蘇集

二

飛騎何能斬画眉

蕭瑟遺蹤傍野橋盛名回首歲華遙長天秋水茫茫夜

江海精靈共一招

驚殺妖狐盾鼻書五王遙接義旗初唐家興廢如翻掌

剩得殘碑認故墟

三疊前韻

功成便可畫凌煙天醉誰知事不然却勝鸞臺奉新主

觸他鉗網血成川

秋宵響答宋家詩一盞明燈百衲師風景只餘靈隱寺

橫峰螺黛鎖修眉

逝水淒涼繞斷橋臨風憑弔海天遙也應故國悲湘纍

未有椒漿續大招

蒐遺徵句藉飛書重見青山埋骨初更與松門樹貞石
領珠從此護幽墟

墓經
盜掘

留別許董傳

舊雨低徊共撫膺頻年鴻爪漫飛騰乍逢又是人將別
深坐其如酒不勝一諾聲名高季布片帆冰雪送張憑
春來更訂招邀地直北雲山路幾層

留別許敘百

幾戴江城憶故人天涯昆弟倍相親桐花得句原無敵
蕉葉擎杯却有神客夢正飛滄海月寒條已動畫欄春
深情千尺澄潭水況是河梁錄別新

樓邨詩集卷上

畢蘇集

三

留別沈西山

把臂經旬笑語溫相依無奈客愁繁蒲帆野岸思千里
樺燭清宵倒一樽踏雪他時過剡曲買絲今日繡平原
寸心不盡瞻前路渺離亭落照痕

舟行

行舟遇逆風譬若彎強弓人力縱已殫不敵風力雄一
日行無幾二日徒匆匆今晨三十里仰視日已中引領
望家園川路何時窮同行意頗急恨不羽翼豐語君且
安坐有塞必有通但取不顛覆徐行寧罕功努力加晚
餐推篷眺高空

老將行

老將橫戈出臨洮銀鬚飄映紫綺袍塞上大旗赤如血
刁斗不鳴秋月高夜半前營報警急帳前歌舞風颼颼
同時少將急邀利卷甲奔趨鳴弓刀一戰再戰鼓聲竭
白波大帥意氣驕老謀沉勇不輕發指揮偏伍彌縫牢
賊勢出沒在掌中竒兵一合擒其豪歸來奏功未央殿
天子賜酒酬勲勞莫笑將軍止善飯伏波營平眞吾曹
東隅已過收桑榆凌煙傑閣方岿峩

大雪抵建業二首

迴橈此地記高秋入臘重為汗漫遊千嶂凍雲迷去鳥
一江急雪舞扁舟柳絲野岸青猶澀花片橫塘白已稠
北道班騅臨欲發清水幾尺照吳鉤

樓邨詩集卷三

吳蘇集

三

雲陰漠漠雪初收襍被衝寒正未休為客幾番歌進艇
懷鄉莫漫賦登樓荒風冷月驚殘夢紅燭青尊感昔游
湖海但看豪氣在鴻泥豈為稻粱謀

雪後龍盤山下曉行

犯曉行輿日漸升龍盤山下雪光凝千峰削玉纔分頂
萬頃糜瓊不辨稜高堞烏鴉排點點平林紅寺出層層
此行風景真竒絕煖閣圍爐見未曾

大雪北上值大雪示同行諸君子

東風一何猛卷雪如飛沙萬樹乍昏零撐攪披槎柯雪
飛不貼地撲面皆橫斜行輿頗敞漏罅隙莫可遮隱曲
輒堆疊時時費搜爬少頃雪微止風勢寒轉加雙脚冷

于鐵飢腸鳴綠車頗憶去年春冒雪尋梅花哦詩啜清茗閒庭寂無譁一從博微名行役常天涯臘尾抵建業急雪迷江槎此行復見雪北路方遙賒蕭蕭車前鐸劬當送年華吾道在艱苦平生慣馬撾却愛景殊絕白戰句亦誇寄言同行者勿用起歎嗟

即目

萌茨市地雪初殘猶自尖風打面寒野岸有聲千樹偃高雲不動一鵬盤道旁煙景依牛屋客裏年華付馬鞍直北關山方計日長安春色好同看

雪後早發

料峭東風作意狂雪花飄拂客途長一天凍結層雲白

樓邱詩集卷十

畢蘇集

三

萬嶺昏圍宿霧黃侵曉已教疲道路衝寒爭遣濕衣裳關河一倍銷魂地况是斑駁送陸郎

時同行有跨驢者

費縣顏公祠

邑令朱守亭屬題

范陽賊兵天下雄挫其鋒者兩顏公常山平原如指臂義旗遮蔽山以東西連張許勢犄角牽掣賊肘搃賊胸藉非哥舒一戰誤豈有火及咸陽宮中原瓦裂縱無補緩賊西上已奇功常山殉國自犁舌魯公爵秩方尊崇詎意白頭值藍面賊庭灑血留孤忠兩公並是殺身成仁者傳聞尸解亦幻空我來此地拜祠宇入門英烈橫高穹列星奮嶽照衿水千秋俎豆兄弟同威儀猶見唐冠珮幽沉榱桷迴悲風賢令好古徵詩句吮毫悵望思

遺蹤豐碑大書秦與米要與睢陽廟祀俱無窮

祠內有秦少游

米元章碑記

醉別朱守亭明府

夜影沉沉漏聲送
纖雲四卷星芒動
此時不飲當奈何
主人意氣如山重
別來鬚髮各老蒼
愛君治績稱循良
丈夫會應得知已
不須便覓雲水鄉
我向京華年已晚
勉隨年少驅車遠
文章那解奏天人
興會猶能駕劉阮
一夕論心面目真
燒盡三條樺燭新
客醉欲起主堅坐
縱橫拇陣寧辭頻
此別相期還努力
待爾朝天騰冀北
春風吹夢繞關山
馬嘶一聲東方白

宿河間

樓邨詩集卷十一

墨齋集

三

塵沙野店拂征裘
此夕輶車此地留
春色燈光新令節
荒風殘雪古瀛洲
故鄉絃管人千里
北道關山月一樓
且與諸君醉村酒
夜深高嘯對吳鉤

樓邨詩集卷十二

樓邨詩集卷十三

寶應 王式丹 方若

補過齋集 癸未

初夏西苑觀麥應制

上苑鸞旗淑景移
曉披麥浪影離離
青林碧沼環千畝
甘雨和風秀兩岐
勝日宸遊同省稼
豐年嘉瑞恰乘時
卽今譜入南薰曲
新采來牟率育詩

賦得潤物細無聲

協氣融融雨絲絲
潤物宜煙輕
霏遠坳風定
濕高枝語入鶯簧
滑泥添燕壘
遲坐來檐宇靜
搖漾好春時

奉和 聖製麥秋志喜

樓邨詩集卷十三 補過齋集

一

皇極祥符大有年
麥秋早協庶徵全
輕風露浥纔飄野
杜詩細麥落輕花 壘浪風翻已度阡
聖澤無疆恒省獲

賦得修竹不受暑

銷夏閑尋竹徑通
萬竿影裏入冥濛
自依曲檻蟠孤石
更亞高檐得好風
隔浦月飛西榭外
傍林人在北窗中
此君合與舒清嘯
襍穢塵埃眼底空

賦得寒戀重衾覺夢多

漏刻宵移霧影間
荒眠有味鎖松關
堦侵嵐雨重重暗
衣染篝熏故故閒
常記遐心栖舊圃
少留清夢到寒山
悠然一枕煩喧外
蝶翅蕉衣自往還

小憩祝壽寺

小憩精廬歇錦鞦，伏池福地亦應傳。
華胥一夢知非遠，只在游絲白日邊。

題畫

此地漁郎沂去津，東風淡沲畫欄春。
憑君莫記桃花面，最是桃花解誤人。

題新城王公放鷗圖

山堂宜高秋疎風，聽林樾窅窳不逢人。
心與寥天月達人飽，世味其中自水雪。
黃葉滿故山，眷言成久別。萬族各有懷，低徊在羈紲。
開籠任飛飛，投林影飄忽。

題李松嵐置身丘壑圖

千巖競嶢峭，萬松互攬攬。展卷乍若真，青蒼空際落。
就中寫幽人，形神散寥廓。到耳無俗喧，飛泉響嵒岬。
君於此幅意，何如不是秋。山平遠圖胸中丘壑本，奇絕尋常人境啗。
區區我昔披君黃山冊，幻詭百變神靈宅。剪取一段意，惆悵便欲凌風生。
羽翼安得相從如雲龍，筇杖同躡千山碧。振衣濯足果何時，人生當著幾兩屐。

竹梅冊子

吾家風味此君宜，况是寒梅傍一枝。
十丈緇塵袞袞客，淡煙斜日與誰期。

崑繩弟將之秦中小酌話別時大雨如注

君才十倍竟何之，西笑長安跋馬時。
風落雄關迎劔鞘，

雲生太華拂鞭絲掌中形勝羅前史篋裏悲涼寫雜詩

少陵有秦州雜詩漫道丈夫無別泪蛇盤烏龍不勝思

酒底歌呼敞素襟長颺捲兩晚涼侵萬家霧擁樓臺氣
四野波翻江海心北道弟兄還曠蕩西京賓客有探尋
刀環定約三年後更待簷花燈影深

白雲同題劉雨峰水邊行樂圖

三尺生綃滿煙霧浮青暈碧梧桐樹下臨十頃芙蓉紅
鞞紋細引鳧鷖路何處靚此風景佳舊圃東臬日成趣
記得招邀野水邊酒地詩場共洄泝粉署今看作望郎
壁間閒挂雙芒屨却想薰風伏雨時開到藕塘花幾處
卧游倘怳雲水鄉往往清襟託佳句身依列宿心江湖

樓部詩集卷十一

補過齋集

三

世人那得知其故我來相對便開顏敲詩射覆觴無數
三條樺燭夜沉沉意氣當年且暮遇平生幽興亦滄洲
夢入紅香浣風露酒舫何時水樹間為君徐誦遂初賦

題新城王公荷鋤圖

公為大司空御賜帶經堂匾額取兒寬帶經而鋤

之語因寫荷鋤堂小照

白雲司秋霄漢裏不羨西京左內史文堂義苑富包羅
當年都養詎足擬宰相須用讀書人宸翰親題良有以
五經伉伉獄訟平坐聽槐舍音聲起泰山嗟峨海水飛
麒麟有章鳳有輝麟章鳳輝照天下清夢却懸荷芰衣
南東之畝水之澍秔稻青青菴煙渚荷鋤隴上獨何之
正及斜風細雨時君不見林巒濕翠浮空濛依約鵲華

東復東誰知曳履星辰客要學南邨蓑笠翁

題新城王公蠶尾山圖

一笠與一竿
官然何所去
蕭蕭小洞庭
渺渺汀邊樹
清波淡無聲
離離下鷗鷺
于焉心跡清
牽船此間住
好書聊可攜
妙香時一炷
遙見蠶尾山
微茫螺髻露
素月正流天空青
細煙霧始知塵網外
得此澹宕趣
翻笑蘇源明
車馬非清娛
遺跡既已往
風景空且暮
名人耽勝地
留連愜所遇
遂以名其集
幽光入新句
世事雖橫身
遐心託豪素
一爲展畫圖
中央願洄沂

題飭牛圖

秋柳毵毵拂曉寒
牛齡溪畔與盤桓
單衣短布歌聲出

樓邱詩集卷十三

補過齋集

四

莫作須無一輩看

細艸如茵下地平
柳風吹水一池清
眼光落處憑君看
久已牛衣笑仲卿

秋夕月下同葉子祚暨諸同人泛舟道院水次

輕橈來上客
驚起幾鳧鷖
頗似江皋晚
也應煙影迷
燈竿熒遠近
梵閣簇高低
正好邀明月
依依河漢西

百觚方泛蟻一葉恰浮鷺

小舟名說文鳧喜沉鷺喜浮

細藻沿洄合

幽林咫尺迷雲依金闕迴露濯玉繩低
記取聞歌地橫塘西復西

題汪東山前輩秋帆圖

炯炯清冰徹玉壺
大河秋水浣塵裾
歸舟長物曾何有

一箇茶鐺百本書

奉母江魚入饌香園收梨柿况家鄉高情愛寫閑居賦
不是傷秋騎省郎

秋夕邀秋圃雨峰鶴田家桐孫水閣小飲

得逢酒伴訪雲菴別有風光試共探一桁暮山連薊北
半篙秋水似江南已飄猛雨沉鳧渚乍引浮煙擁石龕
放眼蒼茫狂忽發宵教小飲不成酣

只似打包小結菴江鄉清夢箇中探昔年舟楫千峰北
余客秋往來江上此地樓臺一水南涼袂定應尋月榭深杯最

喜傍花龕但能乘興斜陽裏波面紅霞日日酣

七夕

樓郵詩集卷十三 補過齋集

五

又說星宮一夕期銀河雲葉總迷離欲尋樓上開襟處
早是庭前落葉時隔歲秋風潘岳怨今宵明月謝莊知
舊遊只在橫塘畔猶自三篙繫所思

送馮文子南歸

才名海粟久無雙白眼橫空氣未降留得珪璋終蓋代
笑他曹鄴不成邦故應仲舉懸虛榻早是元暉泝大江
歸去葑門煙舍在灌渠秋水正淙淙

吹樹清颼送早涼叫雲獨鴈欲南翔沿山蹋水三千里

濺泪驚心十二章

文子將歸有詩十二章少陵句感時花濺泪恨別鳥驚心乍可兮

噫偕德耀豈能途次老襄陽

孟浩然有途次詩

江楓一片明明

月暫為離人照屋梁

送狄向濤前輩南歸

絳霄縹緲挹丰儀，珠樹曾城最上枝。
芳榘乍聞歌白紵，煙絲爭忍送班騅。
鄉嫠舊帙關千載，髮鬢新妝笑一時。
今日石渠須手筆，豈應長與白雲期。

好是林塘舍北宜，幽清未許外間知。
幸來讀遍王維畫，欲賦慚輸裴迪詩。
燕市尚能賒酒慣，江鄉何必怨歸遲。
小山舊是淮南住，柳柴花梁引夢思。

送宮友鹿旋里南遊

限韻二十字

高秋邀上客，小閣及新涼。
忽漫逢離席，還須覓醉鄉。
回頭水岸執手贊，公房踪跡論殊地。
瓊瑤報幾行，袁江猶旅夢。
燕市又歡場，顧盼風雲色。
詞華璧瑗光，豹文深

樓郵詩集卷三

補過齋集

六

潤澤驥足遠飛揚，便可騰天表。
誰令躡路旁，暫設干鏑匣。
且拂芰荷裳，上苑花相待。
家園菊未荒，他年來迭盪。
今日去蒼茫，越水煙波闊。
閩山驛路長，雪飛寒入粵。
雨漲晚浮湘，嘯嶺依紅萼。
吟林寫綠篁，馬蹄臨欲發。
鴻爪正相望，濃靄融巖桂。
輕颺颭海棠，愁應平子賦。
醒已次公狂，香徑披襟共。
花枝側帽妨，景光殊不負。
合散倍難忘，記取銜杯地。
遼遼夜未央。

重九日吉水李公攜飲侯近修紹津招同顧書

宣周桐塋嚴寶成前輩朱字綠劉大山葉子祚

俞扶九趙二今廖虞箴繆湘芷暨余次兒懋訥

於敝寓爲登高之會以孟襄陽詩竹露閒夜滴

松風清晝吹為韻分得清字

限五言古六韻

山閣高可凭

去聲

風林悄無聲層嵐送遙翠野塘俯一泓

雅懷賞令節招客飛瑤觥暝色自西來半規月微明煙
權發遐想木落秋江清臨流訂後會暢茲山水情

同人訂於十三日共邀吉水公復尋登高之約
詰朝陰雨呈吉水公

大塊文章忽已殊重尋肯罷提壺慚非段氏行珍館
却得米家煙雨圖水面乍翻波蕩滴峰尖都入影模糊
習池別有風流在還喜山公傍酒壚

是日已刻雷雨大作已阻良會午餘忽霽吉水

公以詩促召諸同人依韻奉答

樓邨詩集卷三

補遺齋集

七

未應孤負展重陽依舊憑高倒百觴過雨何曾妨勝日
增衣合與續歡場洗將月色臨銀漢添得波光漾寶坊
好景頻邀車馬駐懸知不厭次公狂

良會既成酒酣復以少陵藍水遠從千澗落玉

山高並兩峰寒為韻分得玉字

限七言古

如閉暗室忽騁目如添塵垢忽出浴此間疎快特未嘗
一日為歡肯弗續吾師選勝招及門憑高頓埽塵萬斛
留連便可閨佳辰期後四日晝更卜世路風波本不常
那得雨雲無翻覆朝來起視天色惡俄頃瓦溝瀉飛瀑
砰訇雷輒兜羅綿界道奔流失平陸懸知泥濘阻馬蹄
幾徧巡檐枉彳亍平生往往叫天闌牋向天公乞晴旭

天公定喜狂夫狂重陰頓遣微陽復救回豐隆退屏翳
正見高春斜照屋長鬚急送一篇詩籃輿飛來不待速
諸公入門相視笑今定不愁負此腹輕裘軟帽耐高寒
小筵初張坐仍促鸞刀縷聶乍紛飛紫蠚白魚煮初熟
舉觴遙挹數峰青平楚蒼蒼新洗沐鳧鷖散亂洲渚間
惟有輕颺度寒麓若使天公不解晴孤負心情祇局束
往時爛誦漢陂行陰晴哀樂如轉轂雲寺藍關恍惚逢
蟾光恰映橫塘曲憑陵絕叫倒千杯大酌淺斟葑相逐
劇吞已屬飛將軍撐攬偏師未肯伏天星散落送飛光
火樹轟騰雜爆竹狂奴故態不禁持惜少清歌憂哀玉
已知賓客追南皮那許風流擅金谷風光如此不成詩

樓郵詩集卷三

補過齋集

八

毋乃山川笑人俗前番寄興孟襄陽更把少陵佳句讀
要須繪水復增波豈是畫蛇漫添足兩峰千澗景不殊
白雪陽春和應屬名師先路倡雅歌勝友如雲傳肆牘
纍纍英瓊報錯刀笑我麤才塗滿幅

題禹慎齋卜居圖

底是泱泱水國東水波披拂釣絲風爲尋畫裏多真子
只在紅蕖翠篠中
博支湖接汜光湖一派蒼濤乍有無他日把茅相近處
也應倩作卜居圖

題畫

葭渚蕭蕭水淖淖霜染紅林憂寒吹十丈市塵不到此

惟見層嵐落遙翠釣徒原只向煙波別有衣裳製荷芰
筍皮笠子大於箕坐破苔花綠痕膩有竿不釣意如何
恥爲鯛魚下豚餌

題李松嵐停杯一問圖

挽他獨醒向糟醅天問心情太白知到底騷人只糊突
青天有月來幾時

次韻送胡元昉南歸

安定祠旁慧水邊淚零往蹟記留連

余于戊寅遊梁谿
寓方伯公齋中

某山某水都成夢相別相逢又幾年小卉閒庭霜欲墮
清尊離席燭初然與君來往京華路並是平生未了緣

再送馮文子胡元昉疊前韻

兼示無
功介夫

樓邨詩集卷十三

補過齋集

九

衣香深拂桂華邊又是飛觴密坐連白榻青檠人夜夜
鞭絲帽影客年年大鯤擊水還應爾倦鳥投林且復然
歸到吾鄉尋二妙葦間風雨暫延緣

又送胡元昉疊前韻

去去荒風野水邊南天征雁影遙連自知此別無多日
却問重來是隔年未必市兒都可祇應吾輩定然然
勾留縱是江南好莫忘涼宵詩酒緣

題梅竹畫扇

梅花吾所愛花時必贈詩長安見花罕驛使憑阿誰何
來泥金箋粉素寫折枝乍若覲故人把翫神爲怡我懷
小庭梅乃在淮南垂是時新著慈愛護昔所司張網辟

烏啅拂塵搜蛛絲用心冰雪內得意陽春時別來條經
年往往夢見之此幅雖寥寥愴怳愜素期况添竹幾個
煙影偕幽姿瑤琚澹白暈琅玕重碧滋吾家微之詠官
閣何郎詞風味兩悠然著我定亦宜放筆一大笑習習
清颼吹

送章豈績同年請假省親用東坡贈仲元貺王

元直韻

我不留君更住歸奉高堂笑言四十餘年教誨今朝眼
見騰騫

依舊殘書雙籠曾教瘦僕擔來中州句瘦僕今日出門

一笑別無長物將回

樓邨詩集卷三

補過齋集

十

羨君撒手便行望雲忍戀承明記得陳情一幅清宵鴈
唳聲聲

去馬冰霜此日來帆風雨何年脫手鞭絲倏爾把盃燈
穗熒然

京雒都成忙局湖山且作閒人好奉親輿游目柳隄桃
嶼嬉春

送陸邠言省覲旋里

暫辭芸閣覲慈幃跋馬遙征鳥共飛蹇得瑤華披曉日
捧將衣線報春暉去經易水清冰滿歸到吳山綠樹圍
好奉板輿朝帝闕北方黎柿未應稀

題畫

萬个琅玕罨綠陰
此時中散未彈琴
壞陵莫道無尋處
白石灘頭海水音

樓邨詩集卷十三

樓邨詩集卷十三

補過齋集

白石灘頭海水音

萬个琅玕罨綠陰
此時中散未彈琴
壞陵莫道無尋處
白石灘頭海水音

樓郵詩集卷十四

寶應 王式丹 方若

補過齋集

甲申

甲申正朔和吉水李公試筆原韻

連夕招飲
荔支酒

趨朝纔步螭坳日捧袂旋披馬帳春

帝眷卽登黃閣老歲華長映黑頭人
擘牋七字年年好
剪蠟雙筵
夜夜新最愛荔支香溢甕
把杯賡句敢辭頻

賦得春從何處來

上日中宸曙色開當陽藻火迓春來
三霄暖霽朱旗擁
六宇和風紫陌迴御苑鶯聲將度柳
芳郊花氣欲舒梅
共承恩澤光輝滿會送夔龍媿賦才

樓郵詩集卷十四

補過齋集

一

呈少宰太倉公

久從淮浦謁門庭記得閒塔秋艸青
雒誦西田詩一弓
高酣東閣酒三經水邊蓮葉原依幕
日下槐枝又繞廳
正是黑頭新歲月卷韞還許傍台星

太原家派迴誰儔七葉聲華在上頭
本自始興傳烏奕
最知中令擅風流梅沾水氣紅初綻
柳曳春聲碧欲浮
抵得永和暢觴詠好偕徽獻共賡酬

和湯都諫西厓題若園韻

東風融凍漾寒沙別業春蕪逗淺芽
暇日便應來薜徑
幽光準擬似山家未須白墮邨中酒
最愛予真竹裏茶
若得悅恬相傍住池塘清夢浩無涯

送葉子祚之任陽武

乍消水氣東風裏天街嘶馬車塵起手挽征衫不可留
雙鳧欲拂金隄水吾徒稽古志經綸得民而治報
天子莫言鸞鳳恥卑栖蓋代勲名出百里先生績學有淵
源社稷人民臚掌指蒲陽小試次公才實心實政見端委
父老子弟遊其天一片冰心照江汜至今龍河燕屋間
碑版歌謳留萬紙六月之息忽三年中州借寇自南徙
草成一幅誓神文早是陽春隨脚底繫余相識久相依
餘論側聞欽德美典型前輩老成人豈逐游光逞華藻
文章舊價在金臺重見神君奏上理卽今匹馬河之陽
行李蕭蕭響鞭筆離亭未得立斯須疾驅慰彼都人士

樓卽詩集卷十四

補滿齋集

二

爲民爲德幾人能不爲君喜爲國喜朝廷多得如君者
萬物吐氣可立俟定有當塗達薦書烏府黃門正雙峙
君王慎重名器心此席留待先生矣

燈節牡丹次古水李公韻

誰教百五報春先

牡丹名百五花謂其立春後一百五日始開也

傍柳迎梅恰

並肩煖幕忽驚移節候華燈早與照芳妍品題卉譜偏

憐色

劉夢得有惟看色之語

狡獪花師果有權萼綠可知無定所

等閑擁出紫霞仙

洗紅休爲洗胭脂臉際唇邊巧弄姿細靄好教扶密蕊
微風不許颭柔枝護鈴曉影青絲障舞榭春香白紵詞
信是傾城須早計未應婪尾遲

去聲

芳時牡丹有傾城朵之名唐宋人晚

春遊宴謂之婪尾酒陳後山詩說
與旁人須早計隨宜梳洗莫傾城

雨中春樹

東風幾番拂園林百卉叢叢弄曉陰
凍後劇憐微雨潤春來猶畏薄寒侵
洗紅細蕊知多少量碧長條半淺深
正待花間沾濕好樹頭樹底足探尋

霖霖飛空晝正遲平林新沐恰應宜
濕連霧氣鶯簧並暖薰蕪香燕剪知
柳色山樓遙送酒梅花官閣早催詩
莫教今雨偏成恨騎馬階除是此時

駱貞女詩

浙中駱開文奇士也久遊京師有女育外家
許字孫門未嫁而夫死立志守節開文自都

樓郵詩集卷十四

補過齋集

三

門貽書致五百金令改適女不從以其金爲
從弟妹完婚嫁事復書萬餘言大指欲父速
還爲孫氏子立後卽大歸母家終老開文遂
不復強徵詩於余爲作長歌四百八十字用
表大節於開文之將還也錄以遺之

長安十丈軟塵裏畸人杰士其有幾我之所見曰駱君
磊砢氣槩凌霄起書倉學府富包羅脫身軒冕若敝屣
造物英靈厚所鍾是父是女疇能擬熒熒九齡失母時
早似成人積哀毀同懷殞折形影單伯叔弟妹無我爾
舉頭北望念晨昏陟彼岵兮淚瀾瀾待字閨中廿四年
忽聽哀聲失髮彼夜半狂風捲屋飛吹破菱花凝血紫

七日七夜聲已吞便欲相從黃泉底外家堂上姑息深
正是求死不得死

用晉史語

生許孫門死歸孫誓不回頭略

遷徙水深河大日當心古井波瀾于此止書來京雒意
云何在家從父亦恒理白金五百作嫁資父自憐兒兒
不喜兒今矢死已靡他父也寧當不諒只挑燈細寫萬
言書字字青霜纏白紙安排弟妹立揮金不改冰心舊
標履但使我儀有後人還奉高堂吾事已百年只作女
兒身上覆阿翁言盡此自古蘭帷傳令名能工筆札皆
稱美豈如大節耿孤芳咏絮銘椒不足齒况聞才識邁
尋常直是魁奇丈夫子吁嗟宇宙正氣微多少鬚眉弗
知恥倂規改錯何紛紛坐讓女貞獨高峙聞風願得讀

樓郵詩集卷十四

補遺齋集

四

其書此書端合垂彤史吾鄉烈女有戚家未識兒夫身

沉水詩留衣帶照寒波

吾鄉戚烈女嫁之夕夫殞于水女亦投水死遺詩云從來未識

兒夫面空惹虛名到世間

正與此書伯仲比曾聞死易立孤難生死

不磨終合軌駱君駱君得是女家風不愧天下士到家
牽袂復何言理髮悲看韜素纜不為桃李為青松一念
足了一生矣成女之志乃父職會當棹楔榮朝旨邑乘
編來七百年如此完人真罕有叶連篇黃絹待羣公請
奏里謠自隗始

憶庭前梅花八絕句寄十弟蚘如

書來

帝里春風浩蕩時遠憑驛使寄相思一庭細靄斜煙裏
開到南榮第幾枝

滿眼穠華蹋輦塵一林爭似小堂春揚州何遜偏多感
原自名花是故人

寒夜曾吟七字詩墻東明月影離離只今希逸思千里
說與梅花知不知

小閣飛香春晝遲綿蠻好鳥最相宜三年一覺羅浮夢
記得參橫月落時

東裝未果鎮相看余有擬別梅花東裝未果詩作乍隔關河欲見難細

蕊繁枝如昨否書來勤與報平安

依舊開軒泥酒鍾淡紅香白記朦朧花枝定自多情甚
也向樽前解憶儂

將護朝朝趁曉暉鳳凰小字尚依稀寄聲樹底探花使

莫損幽芳待我歸

何處判花不可憐關情一倍舊青氈他時更傍芳牕卧
好與攀條話昔年

送劉雨峰出守直定

大邦遙拱帝城闈紫綬金章一俊人用少陵語豈以聲名成
矯激須知君相倚經綸牛眠煙艸思龔遂虎逸山林避
宋均三十二城新氣象好書上考報楓宸

冀北淮南歲幾經暮雲紅散曉雲青再東閣下舟同泛

宣武門前馬又停治劇羨君眸炯炯耐閑笑我髮星星

牽裳遙指天寧道四十餘年夢始醒余幼時曾夢爲真定守與雨峰對飲

閣上今歷四十餘年于雨峰驗之亦一異也 直定府治旁有天寧閣

丰格高，清興會奇，能無束帶簿書堆不須止飲，惟防醉。但可偷閑，莫廢詩繞郭，荷香微雨後，當檐山色薄。煙時坡仙白傳風流在。

香山東坡皆稱風流太守

酒態吟情繫所思

題王文貞公畫竹

為敏行

曾見遺詩題畫竹，疎簾清簟劇關情。卽今一幅瀟湘意，恰似滿天風雨聲。林下酒人殊未入，石邊秋水幾時生。青光留與徽之好，試共披圖頓眼明。

題節孝蔡母傳後

孤凰血灑蕉花路，國破夫亡奇節著。堂上悲風白髮垂，泪漬羹湯供七筯。終身之計何分明，語見本傳寸心只是精

金鑄。天憐節孝孤兒還，家室綢繆行嗣祚。從來死易立

樓郵詩集卷十四

補過齋集

六

孤難，雙掌捋茶盤，石固舅姑事了。子孫繁八十六年幾，旦暮滿地青霜千尺冰。撐攬寒空老松樹，令伯于今思報劉。日夕哀號上隴墓，會當碑版奉褒綸。風示閨幃詒矩步。

寄朱界洵諸暨

一別河梁歲不居，江天秋老鴈鴻疎。含沙蜮影何多幻，當砌蘭枝忽已鋤。彭澤鄉心應有待，元龍豪氣豈能除。煙波且與舒吟眺，怡悵西湖一紙書。

題蘭花紅薔薇畫幅

誰展生綃寫折枝，愛他香草正離離。紅羅錦障休相妒，一樣春風各自知。

紅薔薇有紅羅錦障之名

奉 詔增修皇輿表院中卽事次韻顧書宣前
輩

瀛洲亭畔靜階除
匝槐枝亞碧虛
池面輕風迎散帙
檐牙初日照繡書
共知定本推前輩
未敢傳鈔付小胥
東觀從容參典故
駟駘載筆媿庸疎

栖霞簾閣喜新除
秘冊駢羅几席虛
周室職方傳舊志
漢家年表效橫書
要從鞆鞞增圖籍
豈爲華離問史胥
理罷縹緲方永晝
垂鞭歸拂晚風疎

中秋二首

十載茲辰常作客
今看明月照團圓
舟車驛路來非易
客舍京華住頗安
漸老年光猶把翫
當秋風景足盤桓

樓郵詩集卷古

補遺卷集

七

且寬兒女鄜州憶
節物蕭蕭耐冷官

簾捲閒階暮景明
小筵盤飮亦縱橫
縱知菱蟹非鄉味
也自酸醎勝北烹
此夕添衣防乍冷
誰家撾鼓報初更
月斜西樹應無睡
露下天高徹夜清

題畫

複嶂飛泉入畫圖
就中幽事足清娛
臨流洗硯供毫楮
却是閑居賦裏無

名德高清是鄭鄉
東籬開徑自蕭涼
科頭不愛迎生客
一壺秋風檜葉香

送李松嵐還秦郵次留別原韻五首

雲影瑤天若木枝
自緣仙骨罕人知
低徊鴻指休多恨

騰躍龍儀會有時留得聲名尊郭泰羞將意氣託袁絲
黃鸝錦樹花谿在可爲吟多憶總持

甃水團茅徑未荒行滕暫理芰荷裳岐途車馬徵詩債
舊侶湖山暢酒狂柳柴松關須檢點魚罾蟹斲要勾當
遙知散髮開襟處比似京華興味長

已是文臺占上頭画兼全浩句曹劉泰機刀尺憑誰問
平子英瓊爲底愁名士豈能潛海曲故鄉久已認并州
歸心一望桑乾水早逐征橈日夜流

頻年親舍片雲飛遊子驚心又授衣白鴈風高千嶺接
蒼葭波冷一帆歸年光帝里還相待樂事天倫幸不違
此日版輿歡笑地張梨周棗媚荆扉

樓部詩集卷七

補遺齋集

八

合離十載幾悲歌執手其如此別何舊夢不曾忘落月
高情爭許戀層阿檐花細雨吟應續衫袖春風舞已多
轉眼添衣楊柳綠與君轟醉向雲波

和中丞宋公六境圖咏

洗墨池

蘇公黃州住舊蹟已灰冷臨臯橫荒塗東坡委斷堧髣
髴兩雪堂不見梅花影惟有洗墨池一泓涵清景自非
名賢莅疇爲剡棹梗脫令久此邦次第當修整我曾遊
其間佳處時一領旁揖五賢祠林柯鬱交并虛亭納斜
暉浮煙引修嶺臨池滌遺風千載留勝境

忘歸巖

崆峒浮遠翠天竺落清影連峰入夜光明珠吐焜耀茲
巖特奇絕肆矚攬其要崆峒天竺夜
光皆虔州山公餘山水心于焉
寄憑弔喚起新建公響答宛談笑樹立各宏達襟情並
高妙簿書雖頻仍束帶但絕叫千林散莽蒼萬谷合宵
寫每至輒忘歸竟日展飲酌回頭幾徘徊馬蹄躡殘照

路亭

京東四十里衝塵馬駢駢一行樹使節清賞毋乃違佳
境在奇懷但笑知者希結亭擇勝處翛然心所依四面
萬荷花的歷延清暉惝岸略約橫流泉澹煙霏晨興公
事了默坐已忘機不知吏排衙但覺風吹衣遙山見孤
塢熹光浮翠微日日潞河水高帆相逐飛

鵲華秋色堂

樓邱詩集卷十四

補過齋集

九

歷下古名勝明湖浣煙曩鵲華宛雙峙層青接孱顏往

讀裕之詩凍雲山月閒金繩與玉塢欲見無由攀遺山
濟南

雜詩有凍雲山月
金繩玉塢之語披圖逢巖林低昂縹緲間赤葉綴石

壁蒼葭暗溪灣仙竈既已冷戰血不復殷蕭蕭惟秋色

終古橫兩山側想堂中人披襟塵慮刪徒倚發長嘯涼

吹相往還

煙江疊嶂堂

此境何處有坡公句跌宕當年十四韻移置章江上坡
公

題王晉卿煙江疊嶂圖十四韻
有句云不知人間何處有此境堂開古蘭若盪胸非一

狀西山了可數秋屏儼列障千丈下飛泉奔流注溶漾

桀樹如剪齊雲煙互吞放幽麓蘸遙波朝暮出漁唱暇
來攜吟侶平遠入騁望積翠正浮空迷離自清曠積翠浮空
亦坡公題畫語晉卿有後身粉本傳舊樣

滄浪亭

滄浪爲佛國龍華經幾劫小志譜遺蹤幽尋理荒陬修
復遞結構遊覽成別業藥欄小院環蘚石修廊壓岸樹
煙冥濛渚蓮露厭浥時見魚泳游或聞鳧唼喋撫景懷
古人觴詠常不乏秘閣舊精英風雲莽歎欲誰知節鉞
尊山林盟久狎歷歷圖畫中心遠賞自洽

汪悔齋先生觀海圖小照三首

記得中山瞻使節悔齋曾出使琉球而今屣履獨來時秋風似

樓部詩集卷十四 補馮齋集

十

入高華嶼蕭瑟洪波一賦詩魏武帝觀海詩秋風蕭瑟洪波湧起高華嶼在琉球
怪石蒼松海霧開先生胸次絕浮埃憑將鶻沒天低處
捲入玻璃三百杯悔齋豪于飲

風流儒雅亦吾師三十年來讀畫詩一自刺船人去遠
海山窅窅波瀾瀾

崔青寺卧松圖小照二首

圖有御書卧松二字

人間只解愛春風多倩徐熙粉繪濃一片冰心何處著
霜華滿燈冷青松

千丈礪砢大厦才盤蚪直欲走風雷淋漓元氣猶疑濕
正是自天題處來

寄題湯逸林野堂

湯子好奇奇成癖睥睨千載騁胸臆靈府駢羅萬本書
宇表宙端自騰擲當年跋馬向京華冠蓋交游每絡繹
悲歌擊筑咽蒼涼長揖橫刀動顏色壯遊至竟不稱意
拂袖歸來睠藪澤平生闌市厭喧卑割得城東二畝宅
罨煙漏月春林青跳雨縈風野水碧浮來片石當三山
邀得行雲爲四壁時聞叢薄出孤吟最喜空林罕行跡
朝昏窅窅不逢人七鳥迴翔成熟識曉凌靄各飛飛
夜傍茅檐時嘖嘖豈向籠笈學罵人定解堦除不嗔客
少陵詩得食堦除鳥雀馴又唐人詩
鴛鴦占水能嗔客鸚鵡嫌籠解罵人朱翁祝雞笑瑣細
林公招鶴等標格景光冉冉自支排歲月堂堂任流易
此中要自一洞天迴視浮埃萬重隔喬髯到此興如何

樓邱詩集卷十四

補過齋集

十一

忽書奇字徑二尺地少天多語亦奇仰面低頭心莫逆
直將奇景暢襟情詎以奇貧怨蕭索菴中自可住方干
甕底猶應狂阮籍我年垂老惹緇塵長憶故人中偈側
君逢喬髯醉歌時爲我林間虛一席有時蹋屐訪奇蹤
鳥語殷勤勸浮白

送中丞李木菴先生予告旋里五首

遂有江湖興君恩許乞身大名留柏府小憩得蕭晨
莫漫尋高躅終當召老臣中朝待司馬獨樂暫逡巡
相業尊文定旋鄉尚黑頭家風今更見主眷後還酬
歲月深歎歷關河睽阻修豈能忘戀闕脂韋且夸猶
蘭省推前輩清標三十年鳳栖原上苑鶚立正高天夙

仰門庭大長懷慰誨偏自今勞夢寐捧袂意茫然

去傍邗江曲平泉有舊居一峰松桂冷四壁水雲虛

石斲光澤新刻西湖祠堂碑記含毫注父書南北史增注將脫彙乘閒一料

平聲理未擬狎樵漁

暇日陪談讌暄涼無厭時花萼分未麗細合散離支游

目凭僧閣徵歌瀉酒厄四語並紀實事還朝應不遠重為和

新詩

壽座主孝感熊公八十韻有序

恭惟老夫子道協經綸文扶宇宙紹聞先哲

精嚴學統一書凝弼熙朝照耀台杠八座

兩登揆席佐昇平于海晏河清五掌文衡收

樓郵詩集卷古 補過齋集 七

才俊于南金東箭航燕閒而力辭國柄巖廊

有泉石之心備顧問而日覲天顏黼黻總

詩書之采方且年逾高而學逾劬惟見文可

詠而德可歌今冬仲之初旬晉登七袞凡門

墻之在列齊祝三多勉竭淺衷首倡蕪什捧

觴獻壽願看桃熟三千吮墨摠情纔得字盈

八百敬述淵源之篤念匪同屏障之詠詞

仰溯斯文統恭逢正學師微言鄒魯接嫡系洛閩垂衛

道遵先路傳書闢異詞堂堂開軌轍井井辨醇疵直已

功同禹由來教淑熹理芟王陸派文邁柳韓規根柢洵

夙卓菁華况陸離德言皆古處經術為時施氣自吞雲

夢香都擷萼離早看鰲冠省旋見鳳翔池六館高幡擁
三廳御燭隨荔垂腰帶重花壓帽簷欹儗直璃屏繞分
班錦帙披講筵 天咫尺詞苑士攀追玉几恒傾聽鑿
坡每質疑崇塔登禁掖特進踐台司

聖主宵衣日元臣曉漏時志勤軍國計躬翌太平基亮
惠酬堯舜勲庸匹禹夔長源雖暫出君實更交推彤伯
功誰並山公啓最宜 九重原合德再相應昌期淮堰
鯨藏鬣邊城馬脫羈頰同來朔漠鞅轡集侏離庶職知
廉潔羣生樂皞熙垂裳仁遠布補袞績同丕治洽敷文
盛人偕上計馳五科弘選造一手握鑪錘包老無關節
歐公獨主持懸衡分甲乙操鑑判妍媸理窟揮金錯文

樓卹詩集卷十四

補遺齋集

十三

緘奮玉匙惟教芟軋茁久已距邪詖撈海珊瑚燦掾林
括柏奇充廷多令僕揆采盡龍彫偉噐全收矣輅材忝
附之憶從垂髮日早切學山思慕道中心結開編右手
臆江干曾仰矚墻仞幾微窺但覺雲霄迴徒看歲月移
佛名頻可數書癖漫成癡何幸潛泥蠖翻爲脫穎錐樗
根還引墨鉛鏞竟逢磁熒拔情何切丹黃喜不支賞真
殊嗜好愛豈市恩私榜定羣心帖名傳我

后知 君恩天共大師誼海無涯遭過良多惡生成允
在茲長思依謦咳深喜侍綏綦毗輔殿 朝宁懷歸懇
陞辭臣心仍款款 主眷倍孳孳暫許離黃閣還來上
赤墀一年吳榜路十月御河潛鴈陣經寒吹鴛班迓早

曦觀顏知有喜接邴出常遲 宸藻殷勤賜 天厨絡
繹遺泰階偕樂愷鴻曆錫純禧 君相春秋富河山福
履綏大齡岡阜頌佳日卷阿詩壽自天平格恩由德樹
滋優游貞地軸澹靜輦乾維巖頂松垂影雲扃鶴養姿
形應圖五岳餌不羨三芝沆瀣忻傳鉢崇宣敢測蠡鐘
筵思叩應穀種慎畬苗冬雪程門積春風馬帳吹方看
增海算羣願進霞巵鬢髮人難老彤闈暇自怡禔躬原
立命玩易正觀頤身泰名逾重年高學弗墜箴銘隨戶
牖經義傍臯比世食真儒福人欽上相儀台星明北斗
壽域耀南箕調律灰浮琯迎陽繡續絲萱堦纒坼莢蟾
魄漸闕帷乍可梅舒嶺猶餘鞠綴籬門墻盈扉屢煙靄

樓部詩集卷十四

補遺齋集

十四

護朶愚堂豈羅絃管皆應奉燧觸紀恩惟鏤骨介壽好
瞻耆未有英瓊報常懷繡段貽恭講槐舍側翹首萬年
枝

題琴書自娛圖

科頭自喜芟荷衣柴几疏窗客到稀料得緡書燈炮後
移情只在十三徽

題秋登圖

結廬人境外夙志托躬耕春雨鞭牛地秋風打稻聲龍
丘原澹宕谷口自高清始羨田園樂還傳隱逸名

畫松

柅格何年見鬱盤為憑韋偃出毫端淋漓元氣長疑濕

歡飲濤聲直訝寒影傍巖巒
栖鶴侶陰垂雷雨起龍蟠
也應下筆開生面莫作熙筌粉本看

蘆鴈圖

可要銜蘆傍水涯翻波接翅影
參差爲憑妙手閻工部
寫出休文湖鴈詩

樓邨詩集卷十四

樓邨詩集卷十四

補過齋集

五

對酒詩集卷十四

對酒詩集卷十四

寫出休文湖鴈詩

可要銜蘆傍水涯翻波接翅影參差爲憑妙手閻工部

蘆鴈圖

可要銜蘆傍水涯翻波接翅影參差爲憑妙手閻工部

寫出休文湖鴈詩

樓邨詩集卷十五

寶應 王式丹 方若

忍冬齋集 乙酉

久病初起攜次兒懋訥早赴 武英殿纂書

殿閣榮光照碧虛喜叨職業日繙書朝昏徧歷三門地
父子同乘一馬車御苑暖風花氣合瓊窗晴旭鳥聲初
自憐帶孔頻移後索筆從容近玉除

史蕉飲前輩投贈二章次韻奉答

春色山城記往年桃花香徑與迴旋 柳者卿詞秀香
家住桃花徑 重

來京國人將老獨羨君家骨是僂病後哦詩酬白日閑
中洗眼看青天多情多感休憐瘦風月平章倍有權 宋人

樓邨詩集卷十五 忍冬齋集

詞自是休文多情
多感不干風月

半斟蕉葉便成醺寶月幽光寫練裙卷展綺疏同點定

香清佛屋已熏聞 蕉飲有自題佛屋詩聞
中唱和有寶月軒集 裏蹏世界昏

于霧阮樂天宮粲若雲一捧瑤牋塵總滌夜吹藜火照

星文

贈喬無功南歸二首壘史蕉飲前輩韻

碧落繁星似撒沙遙憐深谷擁蘭芽經寒一夜霜封屋
戢影三年書滿家得訣自炊青餽飯獨醒惟淪紫茸茶
情知螳鬪盡喧外幽事閒情未有涯

檻外寒漪帶淺沙草根繞砌已含芽練裙揮翰官奴手
蘭柴分題秘監家密幕香奩看滌黛小團金縷喚煎茶

雲波好夢還應寄

義山語

莫爲鶯花碍水涯

病中讀史蕉飲前輩疊韻諸作卽用原韻代東
揀得兼金汰曼沙蘭蕭早已判根芽寥天咳唾原名士
大冶鉗錘是作家桐葉欄邊催洗硯水晶簾下報煎茶
蓬臺第一靈香伴酬答風光未有涯

蕭齋簾幕日飄沙宿疾根株未剷芽乍喜瑤華落吾手
似從雲笈識仙家桃逢方朔飢充食露賜相如渴當茶
深雪肺肝憑底物繞床吟諷樂無涯

李節婦詩有序

竹墩李節婦汪氏適少司寇退菴公仲子之
實生三女無子海寇躡六合汪奉姑張淑人

樓郵詩集卷五

又冬齋集

二

走避數百里之實拒寇嘔血數升會少司寇
卒遂病不起汪誓以死殉張淑人諭以立嗣
爲重汪忍死從之無何淑人病疽臨終以八
月幼孫廷基爲之嗣汪恩勤撫育二十餘年
爲娶婦鄧氏甫三月廷基卒亦無子汪與鄧
相依以守又有女許字江寧葉氏全椒吳氏
者皆未嫁而夫亡誓不他適汪撫鄧與二女
曰子不祥人也茹苦以終汝三人尚少守身
如玉其永矢乎又女之已適來安武氏天長
林氏者並守節於夫家皆少司寇女孫也世
稱李氏多節義汪寔倡之之實亡時汪年二

十六令六十七矣於例當旌吾邑朱澤雲爲
作傳余繫以詩

猛飈簸海一柱砥百六厄裁節自矢吁嗟仙李盤根推
孤鳳號血何索索一門貞節凡六人倡其風者汪其氏
夙秉內則事翁姑如賓如友李仲子鞞鼓動地自東來
奉姑出走數百里仲子拒寇血凝喉膽岵邁凶忽不起
哀歌儀特志靡他日出當心指河水姑也諄勤命立孤
避易就難不敢死日攜三女依北堂吞聲暗淚無時已
萱枝萎悴困瘡瘍手爲摩撫舌爲舐事姑如母婦代兒
姑不能生婦何倚泣承遺命撫藐孤襁祿呱呱八月耳
捋荼卒瘞幾經年膝下成人眼中俟善人有後殊不然

樓邨詩集卷五

忍冬齋集

三

夫終嗣絕竟已矣喬松老檜自峻嶒霜逼風漂乃至此
天鍾勁骨扶綱常憂戚玉成良有以萬古程嬰一片心
趙武雖亡義無悔嗟哉名教久凌夸遭變倆矩比比是
卽看閩德歷諸艱苦節真堪礪波靡一媳四女稟母儀
金堅玉粟相爲擬老來莫歎不祥人女表爭傳竹墩李
耿耿完名四十年其旋之占惟視履

天子有詔獎貞孀佇開棹楔榮芳軌朱君作傳豈阿私
大義規型誠足紀人生苦樂皆隙駒留取清聲照彤史
我爲太息寫長歌烈烈悲風碧霄裏

題畫

恰依叢篠畔獨躡亂雲來秋水丰神似春山眺聽開寫

望雲圖

聲有妙理抱膝豈麓才四照清光裏荷衣映古苔
峩峩陸機山天末衆峰亞白雲橫其巔故鄉在其下攬
衣承明廬晨光日迎迓夢中三泖水歸舟何時駕陰華
貴潔白莪蔚有榮謝撫時睠庭幃縈紆不能卸披圖見
遙山浮雲何閒暇願隨吳會風行行傍親舍

題戴酒尋花圖

杜老愛花無處訴香山對酒便成吟花開未了吟未歇
半醉放船春水深
長安大有千枝豔園墅曾無一水涵昨夜夢回煙棹遠
酒旗花港在江南

樓郵詩集卷十五

忍齋集

四

題成過邨空山獨往圖

百笏峰青萬樹圍靈區仙館是耶非此中合有高人住
獨往何妨知者稀絕壑秋惟填落葉深林晚可繫斜暉
却教瘦盡東陽客苦思尋詩每忘歸過邨體
極羸瘦
鶴貌鷗情俗豈知頻年踪跡溷心期陸機入洛聲名重
李泌還山骨節奇石畔苔花迎散步洞中水樂和清詞
平生側想芒屨侶可許雲龍上下隨

題畫二首

別有風雲繫所思竹香林淨此何時也應萬里橋西客
獨立蒼茫自咏詩

埽石林間和墨汁落花風裏颺茶煙吟成搔首無言說

歸鴈一行橫碧天

題畫二首

沿緣一櫂晚煙迷不是茗溪卽雪溪彈罷水仙風淡淡
鴈聲遙過玉山西

雲波下上碧天孤正合崔家汀鴈圖莫道蘆漪淹日月
河秋聲已徹清都

題畫

石頭青不斷幽處獨來時清露尋瑤艸靈源得上池修
緝當徑落細毯傍崖披定似麻源谷高吟謝客詩

題梅花小冊

清涼山畔桃花海遙照幽居百尺霞却爲一生風味別

桃花不畫畫梅花

貞女詩爲王門婦潘氏作

天賦至性人不從書傳得君看王家婦大節標孤特共
姜賦柏舟猶曾事共伯婦也未結褵毅然矢靡慝當其
聞變時方寸堅于石但知從一終更無他思憶墓門萬
木風血泪滌笄幘生我豈不戀奉主義所迫本意以身
殉忍死姑嫜側飲泣在索居強勉奉顏色每飯不忘夫
空樓纏鬱塞天地自缺陷身名自貞白矯矯青松顏冰
霜弗改易歷亂桃李花春風久揮斧節孝能兼之風勵
傳家國愧殺讀書者空言談古昔

送喬鶴羣次韻

九陌顛風撲面沙誰教香艸剷萌芽宵中殘月雞催夢
天末孤雲客憶家惆恍合離如病酒分明甘苦似嘗茶
摩天徙海尋常事莫戀鄉關水一涯

送喬介夫南歸二首

手把清文只惘然三秋踪跡等浮煙來依暮梵晨鐘地
去及蘆花蓼葉天曾是蹇修終契闊爭教磨蝎尚延緣
馬蹄躑躅關山月一別西風又幾年

歸掃亭臺落葉中開襟一笑曲欄東徑留冷蕊霜初白
甕坼香泥燭正紅水後魚鰕來晚市冬餘簾幕待春風
得閒一倍詩情好緘札還應寄北鴻

又贈喬介夫

樓郵詩集卷五

忍父齋集

六

記取庚辛曾比屋板橋煙水日同遊別來俗狀長經眼
贏得霜華已滿頭酒地迷離清夜月蕪香搖落小亭秋
何時投老墻東住只傍蘋汀與荻洲

題畫二絕

蜻蜓爾何意薄翅凌風斜煙光無處所只傍射干花
小魚不受釣樂哉居沮洳蘋末微風來落花亦已屢

題梅花畫冊有懷舊居

平生最有梅花癖每到花時有句題纔展畫圖忽回想
曉風殘月小亭西

松下聽泉圖

跌坐雲根適楚情林深山靜水泠泠飛泉直下無窮白

老檜橫排不斷青，避世定尋餐玉訣。臨流新寫換鵝經，
憑君淨洗箏琶耳。水樂仙韶許一聽。

題還山圖

如君不通俗，孤抱自嶙峋。遊已半天下，詩能到古人。忘
機憑物態，洗眼對秋旻。新製芒屨好，從今浣路塵。

贈鄭寒邨

庭陬書帶擁花關，廿載才名識豹斑。久砥文瀾尊赤幟，
熟嘗世味住青山。宦遊冠珮原高潔，仙侶煙霞自往還。
最羨鄭鄉圖畫裏，碧雲紅樹媚蒼顏。

為曹希文題授硯圖

長擁青檠讀父書，中宵一夢鯉庭孤。硯田猶未酬先志，

樓邨詩集卷十五

又冬齋集

七

鸚眼熒熒泪欲枯

子建才名久絕倫，墨池光彩逐龍賓。寧知飛翰成章處，
子建語不是蘅皋賦洛神。

題畫三首

溯洄緬伊人中，情淡於水眼看嚇鼠鳶。如聞日中市可
憐，化茅者乃是荃與芷。一笑上扁舟，別號鴟夸子。
臨水宋家宅，岸居如浮舟。開門招溪友，拍波雙白鷗。
一年一花柳，我春與我秋。山山隔人跡，空空翠落四周。
出門何所去，適性在巖林。微風動高柯，幽聽以洗心。此
中宜妙指，撫絃答清音。亦有王子猷，猷聞聲期相尋。

贈林石巖

六十年來善閉關，滄田閱遍得蒼顏。人居赤水丹山裏，名在希夷靖節間。孰隱自知餐菊好，延齡長見采芝還。武陵側想仙源近，只隔桃花水一灣。

索喬學齋畫雜卉兼憶縱權園二絕句

入神書法作家詩，更有閒情寫折枝。春色天然供點筆，不妨風格少人知。

何當綠暗與紅愁，城角花林我舊諳。樨取一枝回倦眼，燈光香炷夢江南。

同劉大山小憩野菴

散屨招提頓灑然，苔花別院最幽偏。上人恰可成三笑，居士聊應說四禪。但有風聲吟老木，絕無雲影翳高天。剪蔬一飽真滋味，逢著時人莫浪傳。

贈陸愚溪

荷衣標格壓簪裾，采碧堂中歲月舒。先世池亭能樂志，躬行孝友是傳書。尋詩放眼雲千嶂，種藥關心雨一鉏。瓦屋東西有才子，絳趺多足媚幽居。

題奉母圖

之官迢遞瀾滄曲，長憶鄉園奉母時。宛委山光釀川水，夢隨梨柿一枝枝。

鬢髮曾經落剪香，春暉寸草日方長。誰知運甓分陰裏，却羨閑居騎省郎。

樓邨詩集卷十五

樓邨詩集卷十六

寶應 王式丹 方若

忍冬齋集 丙戌

張匠門邀過寄園小集

重開榛徑得詩人把袂東風拂麴塵
平子愁多才更捷
處冲癡絕興還新
臺前呼酒朦朧月
花底徵歌懊惱春
莫歎卅年長作客
飛騰且與答佳辰

西郊水次忽見渡船有作

幾年不喚官河渡今日驚逢
安渡船流水高楊橋畔路
輕風妍日午時天煙波江上
何曾忘車馬塵中劇可憐
記得遺山好詩句吳兒洲渚
是神仙

樓邨詩集卷十六 忍冬齋集

城南褚氏園亭宴集同用松陵集中韻二首

丙舍新營傍故宮南垞北堞小門通
邀賓入座花爭豔
下馬當階日未中金谷煙光浮酒
琖松陵酬和續詩筒
春來最是勾留地吹徹紅香一
遂風

闌干取次百叢花麗景娛光紀歲華
仙磴盧鴻應入畫
盧鴻草堂圖 有期山登
醉鄉王績便為家林間吟罷聞清
籟草際
車迴帶晚霞更待城南穿鄭白重
來載酒上輕槎 時有繞城

開河

與慈仁寺僧

咫尺珠林隔市廛喜逢慧遠和新
篇禪機未敢輕饒舌
佳日何妨共拍肩蟲臂鼠肝都幻
妄松風花雨是因緣

海棠院裏春消息更待芳衿一晌眠

答閨秀韓靜菴二首

澤臞猥占杏梢紅

來詩有紅杏句

本爲詩窮貌不豐拜賜瑤華

絢扇攤手熏迷迭篆煙籠玳梁雲影千重隔蘭渚文漪

一派通若遣現身爲謝客生天端不讓髯公

謂恕堂

夙生仙骨豈尋師鄴架繡書亦賦碁不儼若蘭挑錦字
絕勝清照譜新詞薊門霜落鴻飛冷海曲風高鶴夢知
極望天寒修竹裏晚香一半夕陽遲

寄題靜菴晚香堂

苔雲深護讀書堂冉冉東籬送晚香插得滿頭人影淡
摘來盈把露華涼衣裁薜荔沾秋雨簾捲珊瑚映夕陽
多愧長安車馬客紅塵紫陌只乾忙

喜宮恕堂登第疊韻二首

燈花乍喜照顏紅信是摩天毛羽豐廿載星霜傷瓊璣
三秋風雨決筮籠文章有價光芒出霄漢無媒姓字通
火色故應同馬令白頭猶未擬馮公
客舍論文夙所師花邊酒斝竹邊碁點燈淮浦醒前夢
折柳江關記好詞此去聲名君自領過來滋味我粗知
上林一倍風光好莫憾尋春去較遲

聽歌二絕句

紅豆江南去杳然臨川舊譜又花前三年一夢瑤臺月
唱徹仙音桂影圓

飲客鯨吞卷白波就中華髮醉婆娑解歌亦有香山興
白日黃雞奈老何

送湯西厓前輩學中州二首

孟夏百草芳楊柳綠已稠林陰淡將夕月色明于秋念
我素心人晨發之中州神仙乘雲氣咳吐霏琳瑯三年
結霞佩一朝隔山陬我懷如蠶衣糾紆潛啣憂况當遠
離別吹袂風颼颼手攀楊柳枝行行暫夸猶

峩峩嵩高峰蒼蒼少室隲堂堂青瑣郎星輶擁華組飛
蓋前雙旌文堂震鐘鼓中邦多良材搜林玉爲斧一囊
冰雪光持以奉 黼宁所念酬 國恩奔走弗辭苦洛
汭翔春風峭關灑秋雨眷言遙相望加餐力應努

樓郵詩集卷十六 忍冬齋集

三

送顧書宣前輩督學楚中三首

冠代龍鸞譽輪囷二十年卽今銜使命清絕楚江天香
草騷經在流風者舊傳看君懷古跡處處有新篇
燕臺纔得駿楚澤更搜奇濯以洞庭水摩來岫嶸碑江
聲迎紫馬嶽色映朱旗辛苦三年事清名

天子知

東觀尊前輩心期感最真扶輪依顧况學步愧王筠叢
樹瀟湘雨孤花檀柘春長疑見顏色尺素寄應頻

午日漫興疊吉水李公原韻八首

庭陬榴萼破新函淺夏煙光上葛衫舉釃泛蒲身尚健
縷絲續命骨終凡雷驅急雨驚飛瀑風散行雲類斷帆

好趁清涼酬令節病萌愁孽一齊鏡

鍵戶連朝斷尺函笑看節物曳輕衫碧文艾虎殊能肖
藍面鍾馗果不凡花樹故應憐舊雨煙波何處認歸帆
流光一倍江南憶二頃田園五尺鏡

佳辰且自掩書函偃仰薰風越布衫管上生花原是夢
門前題鳥不辭凡碧城窈窕三株樹青翰迢遙十幅帆
怪底縈思如蔓艸半杯菖葉為鑄鏡

曾聞縫掖守經函亦有飛騰短後衫鎮惡勳名空突兀
孟嘗標格本塵凡兩人皆午日生懸符謾說能驅鬼競渡何人

解落帆忽憶宮衣好詩句却從同谷賦長鏡

小卉香苞乍起函彷徨花砌謝巾衫斜風細雨都無那

樓閣詩集卷十六

忍冬齋集

四

夕秀朝華亦大凡射虎南山隨匹馬刺船東海側孤帆
維摩病後銷除盡只問籬根劇藥鏡

老去蒼顏避鏡函芰荷久擬製衣衫開酬詩律吟千轉
靜對花枝埽百凡江國薦鮓開細水邨收麥住輕帆
故鄉風景年年在好覓牛衣曲柄鏡

四蕊何人發寶函五銖須遣紉霞衫人間羅什能通籍
天上蘭香豈墮凡瓊樹光中揜廣袖絳河影裏駕高帆
輪囷豪氣三千丈學道年來已盡鏡

縹帙猶能滿敝函花練何必學寬衫杜陵老大原應拙
白傅襟懷要不凡菜把充厨堪當肉觥船行酒似張帆
正逢好雨添清興手自移花理舊鏡

丹壬午秋試出觀城張公之門公積學種德淵
源有自丙戌春世兄永曾入都以公之祖別駕
莊泉公行略一冊賜示傳公命使題其後敬賦
一章

幹直枝無斜源清流乃潔惟吾張夫子才德希往哲翹
首溯本原孫謀由祖烈夙哉莊泉公上與古人埒文圃
探瑛瓊仕路涉冰雪分符秩三遷清峻守一轍辭榮賦
歸來松菊怡大耋曠曠千載心一一見篇帙邑乘訂訛
謬攷古如矚列敵書理邦賦深衷藹昭揭煙霞托歌咏
片羽殊清絕節義與功名輕重何了徹感知遇詩有節
義功名之語
眼底慨紛紛蠅螳趨羶熱撫卷挹真清孤雲寸心結名

樓部詩集卷十六

及齋集

五

位豈必高德充自詒厥書帶繞階庭長藥吐虹霓柳訓
兼顏編幽香出緘札踵武有後賢鸞鳳姿奇傑青氈雖
蕭蕭凌憎自風骨泰山何嗟峨海水何盪滴山高而水
長令名永不歇

送吳見山侍總憲公暫還石門二首

聯袂經三載師門洽弟兄步趨隨几席光彩接蓬瀛芸
閣朝華啓椿庭晚景榮

君恩歸暫得編綵照秋清

拜寵三霄近還家九月初登途方視膳計日共旋車節
屆龍山宴囊攜虎觀書朝廷須著作未可戀鱸魚

題劉大山同年小寒林圖二首

雪意壓疎林似聞風簌簌飄頭上巾步履跼寒玉笑
指酒家胡冷泠理一曲

面骨洗塵容衣冠肖古製小立凝高寒澄懷渺空際傳
之問津者迷離人間世

贈大山新居

愛君標格玉壺冰眼底浮埃埽幾層尋樂偏從陋巷得
嗜書豈但詞華能過牆樹影半檐月遶榻茶煙一穗燈
好是素心數晨夕望衡扶策定相仍

題吳寶崖南屏讀書圖次韻

我昔西湖一插脚酷愛南屏曾有作高低煙樹鎖雷峰
斷續山嵐環佛閣十年長夢六時鐘猶記艤舟看日落

樓郵詩集卷六

忍久齋集

六

此中知有吳先生繞屋林巒互參錯楊花桃葉酒旗風
未得逢君動春酌畫川別後到京華

昔與寶崖飲喬無
功畫川別業今復

遇燕

臺壁上清詩喚孤鶴新涼文讌快披襟劇飲高談雜

諧謔却爲秋風歲月更轉憶故園山水樂寫來先世好
池亭一帶青林萬紅萼若有人今坐讀書衣是芰荷冠
是籜耕煙只自種琅玕刈圃長應拾杜若吟成西灑但
蕭疎醉覓南鄰豈寂寞世路風濤有是非山間雲艸無
今昨右丞自賦輞川詩笑我客遊記約略安得從君湖
上居微祿買田理鉏耰

集陶然亭

雲際煙巒擁梵宮黑龍潭畔路斜通軟輪碾州市塵外

高閣捲簾山色中好是季鷹烹越桂也應子美醉郾筒
狂來一笑臨平楚半是斜陽半晚風

題畫三絕

天際秋蟾照水清水波不動白煙生十三徽外無言說
夜半露寒聞鶴聲

飛鷺嚇鼠紛紛者上界神仙一笑中奪得雲霞滿衣袖
崑崙玉軼馭天風

空翠霏微萬綠齊懸崖鐵鎖未應迷人間何處尋瑤州
十二曾城西復西

題邵耕萊匯水邨居圖二絕句

揀得槎枒寫一枝披衣終日傍清池如今雙手真閒却

樓邨詩集卷六

忍冬齋集

七

七尺長竿五尺絲

托命長鑿好賦詩東風彌野綠參差板橋西去牛行跡
細草春田努力時

送沈芷岸前輩南歸三首

斗向秋風憶鶴湖水光雲影碧天孤就中合有神仙宅
此去徑尋山澤臞光彩日邊原鷺鷥湖洄波上只鷗鳧
回頭二十三年事學士巖居興味殊

風標自昔尊前輩勇退於今頌大賢過眼大都春晝夢
抽身早是地行仙槃堆湖蟹膏初滿羹毛絲萹味正鮮
剛及深秋泥杯酒故鄉風景入新篇

記得讐書謁後塵瀛洲亭畔對殘春迂疎似我真無匹

瀟灑如公復幾人
淮左菰蘆思舊隱
浙西煙水問前津
何時得鼓山陰棹
重拜匡牀接剡新

送宋稗佳觀察之任閩中五首

天中標格久嵯峨
南下旌麾正憂摩
脚底仙霞如少室
面前滄海似洪河
冠山草木分青靄
環島鯨鯢偃白波
十八城邊新氣象
使君行部有謳歌

祖德蟠根玉樹明
鳳文麟采自蜚聲
江南治譜傳名父
薊北詩篇和阿兄
三世國恩資幹略
一編家訓守端清
大邦報政看今日
冕服褰帷拜賜榮

公餘應不減清懽
山水週遭倚閣看
嵐翠曉浮叢竹冷

江光夜抱一珠寒
岐山瑞竹龍江寶珠見漳州郡誌
細傾玉盃茶槍綠

樓部詩集卷十六 忍冬齋集

八

滿摘筠籠荔子丹
占得此鄉風物美
可能迴首憶長安
延清譚燕喜相依
頗怪官奴會乍稀
假日愁看秋已過
離亭驚見雪初飛
寒生檀柘懸孤月
春度蒲葵近曉暉
揮手還應謀一醉
馬蹄匆促過荆扉

知君小住蘇臺側
爲我牽裳候絳帷
時西破先生建節吳門
堂上

大年長健飯膝前
遠宦定成詩江干
風暖移烏榜
驛路花開引畫旗
極盼閩山千萬壘
音書莫忘鴈迴時

古夫于亭圖二首 爲新城王公題

五年不謁履道宅
一幅喜對夫于亭
善眼仙人顏似昨
繞檐修竹坐繡經

心跡雙清圖畫中
放鵬原是荷鋤翁
公有放鵬荷鋤二圖
一亭縹

緲今何處錦水白山東復東

題畫

先生身有神仙骨早躡雲霞上蕊宮一代文章妙天下
五湖巖壑在胸中營丘爲寫家山好摩詰自題詩句工
今日真慚效裴迪他年應許拜龐公

題張天農讀書松桂林圖

寂寂山礪曲蕭蕭涼秋初松頂罨蒼蒼桂梢羅清疎輕
颺或一至吹香襲衣裾于時澹營慮手緡一弓書副墨
有洛誦元精自爬梳可憐黃埃裏挾策隨奔車坐令荃
與蕙菜蕢之與居豈如此中人據梧舫潛虛冥搜在神
理詎但老蠹魚俛仰塵跡絕披吟送居諸空林下幽聽
散步方徐徐

樓邨詩集卷十六

忍冬齋集

九

土菌二首次喬學齋韻

幸從腐壤見區萌驟長攢生亦向榮頭面略成無骨幹
蟲沙相傍有塵情采山服食知應棄鬪艸兒童或暗驚
禁得幾番炎日照可憐朝槿片時爭

好趁聞雷過雨天縱無根葉善沿緣高林借蔭偏教滿
濕地呈身却最先自是時新羅曉市豈能品味壓華筵
馗厨鬼繖稱同輩恐有蛇虺肆毒涎

戲嘲走馬燈二首

六角筠筐紙合圍專場走馬燭生輝中間關紐因人熱
空際盤旋著翅飛剪刻成形纔僅似奔忙終夜欲何歸

却愁風捲煙銷處悔不回頭學息機

炫眼紛紛挂四圍每從昏夜借光輝自能引線如珠滾
但得趨炎不脛飛巧似偃師終假合捷如夸父豈知歸
閒看一笑無何有好覓蒙莊杜德機

雪後竹軒分賦十二韻得斟字

候迴陽琯動寒重曉簾侵冰雪吾能踐檀欒客共尋冷
梢高聳聳凍葉密陰陰積素瑤爲圃飛光是林根株
蟠似螿芽蘖細于鍼院宇留清閤欄杆亞綠沉晨颺吹
袂徹午日照檐深滌濯新晴色蕭閒遠俗心庭幽無襍
樹人靜有鳴禽小謝方成賦徽之每對吟龍陂留幻影
鳳谷待仙音正好康伶輩兵厨索酒斟

樓邨詩集卷六

及齊集

十

寄懷許真意

君久臨山縣予方耐冷官世途多變幻吾道總艱難
水風潭靜燕臺露葉乾相思托明月千里勸加餐

題宋武修北渚洗硯園

相國曾孫冢宰孫韋平風格是瑤琨卽看洗硯揮毫地
多傍溫公獨樂園
三十六峰行篋香能無還夢水雲鄉春風北渚千花裏
一曲晴波繞練光

樓邨詩集卷十七

寶應 王式丹 方若

忍冬齋集 丁亥

人日集春樹草堂分得佳字

長安陌上春風入春樹堂中節候佳人日梅花原有信

玉山芳草又吾儕 玉山草堂讌集分韻詩春風人似玉芳草向生香 硯冰乍拆

晴開幕林月初弦晚映堦莫對流光嗟倥傯 昌黎人日詩誰遣安

倥傯 飲徒歌侶正安排

東俠君一首仍用佳字

三吳才子京華客排日邀賓興更佳妙選食單張飲席

小裁官紙送詩牌人家綵勝方經眼夜市花燈已沸街

樓邨詩集卷十七 忍冬齋集

更約草薰風軟後早春花底過荒齋

為林縣令廖明府題畫次韻五首

接字黃華小築偏正逢仙令種花年亭亭一樹清陰裏

似有微風掃薄煙

依然埭北與垞南萬碧叢中結古龕解得一塵無著處

直將官閣比茅菴

玉骨冰心矢素絲軌塗豈肯涉他岐懷中一束胡威絹

自古真清不要知

蘿薜緜衣散晚衙蓮塘素影自橫斜光風霽月都如許

莫道桂陽惟愛花

檐際遙峰不斷青浣香階祀露華零此間清白留名姓

應似當年號孟亭

題李蒼存邨居圖四首

曾訪幽棲第一山夕陽莊外水彎環

蒼存所居號夕陽山莊

八年

別後真如夢禾隴花田杏渺間

牘有清才冠一時園林猶戀舊棲枝定知紫殿爭暉句

未勝西疇陶令詩

穉穉連塍觀刈時高人心事水雲知新詩已作牛腰束

添得田家行樂詩

豈必秋風憶故園爲農原擬卜南邨所居只隔光湖水

有日拏舟更到門

題家秋史二十四泉草堂圖

樓邨詩集卷七

忍冬齋集

二

赤霞山下吐冰雪散落寒空迴清絕卽看艸木白蒙茸
一片玉光裏凹凸展卷疑有朔吹生縞素千山墨雲結
直是營丘密雪圖豈但名泉寫曲折泉上草堂手自苫
筥籬恰補雲巒缺此中堅卧宜有人蕭蕭叢薄歌聲徹
幾年騎馬客京華觸染緇塵轉幽咽歸尋望水照人清
洗出荷衣倍皎潔可憐勝迹已遭汙誰遣仙源變金穴
草堂今爲富室所得凋殘通樂舊山阿萬竹亭臺聲影歇不見草
堂見畫圖俯仰荒寒獨騷屑還應避俗長自攜雪色泉
香無斷滅飛身更上最高峰碎嚼梅花嘯孤月

題李蒼存釣舟賞酒圖

我愛昔人漁父詞注眼看釣不移手圖中之人將無同

嗒然兀然空萬有江光晶晶雪片飛一簇風枝落瑤玖
此時得魚尋酒家腰繫葫蘆盛一斗且釣且飲飲且歌
橋舌寒蛟不敢吼眼底齊州九點煙塵埃遠避披蓑叟
雲將自躍鴻濛游海鷗飛來柳生肘圖中人兮圖中人
意不在魚何況酒

又題絕句

一領蓑衣一釣舟荻花渺渺雪花稠大魚只在寒波底
何處憑君下直鈎

題雙鶴圖

寂歷山房秋艸碧翠落梧桐一千尺芭蕉簌簌竹疎疎
野服科頭坐孤石一官小憩空諸有攜得瑤天鶴兩隻

樓邨詩集卷七

忍冬齋集

三

埽除三徑與迴旋飲斯啄斯隨所適頂丹養用石牀砂
衣縞洗將瓊玉液每思赤嶂夜橫江却仿孤山晨報客
暖日融融對舞斜錦礫苔花觀行跡秋宵警露夢初回
長喚一聲天影白

題畫

驅車憶向平陵路處處煙邨帶遠峰纔展畫圖如舊識
願攜芒屨鎮相從嵐浮石屋青于澗水漲洮湖滌正醜
得傍雙橋成小築肯拋清景抗塵容

題顧俠君秀野堂圖

一斗苔封塔幾層松蓋屋牆頭綠蔭蕉山脚翠搖竹此
中良有人擁書幃幽獨點定紛丹鉛退筆滿舊麓古人

性情言一一發其覆暇來招酒伴缸面手自澆花月供
醉醒疎放襟歌哭秀句藹若雲清襟淨于沐對之塵慮
銷舊隱披畫幅我欲往從之清景宛在目顧况居非遥
王翰鄰願卜

又題秀野堂小幅

秋入鸚哥巷風疎秀野堂崇山兼茂樹明月與斜陽客
不爲人厭元次山語詩皆屬酒狂慚無裴氏句高和向西莊

輞川亦稱西莊見杜詩

豆苗菜次韻

山人春種菜經雨摘新苗寄與雲霞友緘題未覺遙鮑
葵香可並庾非氣全消好爲加餐飯吟詩度冷宵

樓市詩集卷七 忍友齋集

四

爲沈芷岸前輩題墓木連理圖

挺生連理木雙幹表墓門分合關氣化萬條而一原下
根闢地脈上枝紛雲屯中間握樞紐葆固于泰元譬若
黃河水源流貫崑崙瑰異稟天植榮華耀朝暎嵇含狀
草木未及細討論倚蘭有奕葉仙李有盤根造物所鍾
毓嘉瑞以德蕃季樹詎媿譽田荆庶共繁繼今蔭久遠
長留奉賢邨

贈俠君

玉山後裔真無忝金粟前身大可知溪上有園如讀畫
樽前何客不留詩才華種種論千古人物寥寥數一時
從此過從肯辭數識君已是十年遲

李蒼存惠涼鞵索詩

縵綺編草製新奇
躡月乘風稱此時
珠履羞爲黃歇客
麻鞵記得杜陵詩
坐中請度我何敢
用淵明事足下生雲君共之
山語辦取筇枝兼箬笠
相攜深谷採華芝

夏日咏物得紗幘

紗幘清卧穩
虛白靜網緼
方空上聲朗於月
輕容飄若雲
微塵無罅漏
小卉有薰聞
莫遣官奴入
輕塗白練帚

奉和吉水李公豐臺讌集四首

水廳假日有清娛
婪尾春情及夏初
錦障香中留舊館
霓裳影裏駐行輿
人來曉霧空濛後
花倚晴風澹沲餘
十二闌干通一顧
鶯翻蝶舞亞堦除

樓部詩集卷七

忍冬齋集

五

綠樹重陰覆堊牆
籠煙冒日逞花光
霞衣忽墮紅鸚鵡
玉佩旋翻白鳳凰
脫帽正宜簪一朶
撚枝好與送千觴
暖風吹醒揚州夢
十里珠簾未是狂

直爲繇英惜落暉
暉徵伶合隊
衆香圍六么
絃索調歌板
兩部伊涼簇舞衣
響入雲邊尋縹緲
妝臨花底鬪芳菲
絳紗堂後原爭羨
盡日追陪已忘歸

十載重來四月天
林亭載酒集崇宣
喜寬禮數過三爵
許對嬌嬈媚四筵
顧曲風流依玉樹
賞花詩句展金牋
用太白事香山最覺珍
良會一賦當堦又隔年
白樂天賦紅藥當堦翻詩

有如恨隔年期之句

分賦得王丞相慰棊

浮江馬爲龍琅邪興一旅吾家老夷吾佐時稱仲父忠
謨運帷幄貞志托肺腑紀顧及賀周提挈聯毗輔新亭
對泣時大言非妄詡邁達在勲名夷淡自矜宇忠謨貞志邁達

夷淡俱見晉書本傳

憑心涉風濤委形際炎暑慰慕亦偶爾裸腹

頗有取貞長一談客清言果何補居官不官官見劉惔本傳

聊與作吳語淝水謝安石一枰賭別墅鍾物固矯情動
定不莽鹵王謝相後先器量誠接武西風元規塵彼哉
非其侶至今懷始興江左重仰俯如聞何乃洵風流緬
音吐

于少保故第

燕市小兒唱雨帝落日飛沙城晝閉兩宮蒼黃左掖轟

樓部詩集卷七

忍冬齋集

六

獨恃孤忠握大計指揮鵝鶴環九門二十二萬鼓精銳
南遷邪說不敢申隻手扶天掃妖慧靖康遺憾失李綱
雪窖冰天空灑淚中朝立君有司馬坐使也先挾空質
自非百戰挫敵鋒迎復空言竟何濟見濟已亡監國終
合奉南城復天位李文達公語奪門豈是公忠人孤注倖成

肆狂噬襄府金牌莫須有不殺無名罪所麗石亨云不殺于謙今

日之事爲無名孤臣本意擲頭顧恥與王文死一例當時已自

察沉寃後代易名永祠祭至今二百有餘年指點遺蹤
發長喟西風蕭颯崇文東忠節高標仍故第憂國忘家
音響存箕尾騎歸耿天際我昔西湖拜墓門手捧椒漿
酌水齋松楸冷雨舊招魂榱桷斜陽今雪涕夜深燐火

照苔花猶是當年血灑地

初秋次商丘宋公韻

過雨初銷暑當風已覺秋晚開花朵澹夜雨艸蟲幽露
氣依青漢商聲感白頭橫塘萬楊柳記得早春不

顧十一俠君秀野草堂圖歌

王麓臺學士做董文敏盧鴻草堂圖

筆意朱竹垞
檢討有記

顧子草堂曰秀野閉戶一編貞靜者頻年襟被客京華
舊隱關心託圖寫墮山一桁排嶙峋浮青暈綠芳林春
卽看畫景入詩景未覺今人讓古人盧鴻卷幅有高格
異代臨摹好手蹟閭丘巷裏見中峰盧鴻草堂亦
曰中峰草堂學士
毫端得宗伯我披小記重踟躕江南江北徧菰蘆小園
最憶蘭成賦欲做吾家朝口圖

樓邨詩集卷七

忍冬齋集

七

春樹草堂月下分韻得刪字

酒國詩場日逞還幾分狂態幾分閑得逢散髮披襟地
只在疎風朗月間江表顧榮原磊落牀頭王湛久癡頑
橫空騁望今何夕葉葉浮雲眼底刪

題林鹿原長林豐草吾廬圖

青城白鹿雲霞表未羨金鑣逐驥褭志在長林與豐草
山何深深路浩浩迹當年名譽早

杜子美獻賦表云
浪迹陛下豐草長

林實自弱
冠之年

九夜麟文擷菁藻延恩匾前新脫橐紙價忽

增洛陽道况是鴻都傳墨寶閉門却愛吾廬好草木扶
疎侶棲鳥好風微雨此何時嘯傲東軒豁幽抱寫入巨

然小筆圖林青艸碧煙模糊樵徑鹿蹤尋得無
李蒼存屬題陳月瀧太常蘭竹草蟲圖

疎竹崇蘭蝶夢閑曉煙欲散露光溥就中寫得清寒意
莫作丹青院體看

吾鄉高士憶陶成畫品同時並有名今日風流何處覓

都梁山接汜光清

吾邑汜光湖
接壤時胎

吳綺園索賦娑羅子詩一名紅豆

嘉樹年來發幾枝橫川閣外影參差瓊花不逐揚州夢

紅豆還傳輞口詩風拂都梁檐際落雨零璣瑟掌中知

憑君奕葉盤根地又見新萸出硯池

綺園云往年偶落
一子硯池中生芽

種之今
成大樹

為徐壇長題鏡右丞硯

樓卹詩集卷十一 忍冬齋集

八

天魔舞破清寧殿半壁淮張如抹電葉星蔡藥蕘西風

猶有鐵冠聚文讖

張簡贈右丞詩有
鐵冠欹側之語

風流合散采蓮涇

留得墨池雲一片閉門曾是修酒經淋漓醉墨人間擅

右丞詩閉門修酒經張簡贈

爾來三百五十年零落右
丞詩淋漓醉墨落人間

丞詩幾卷揚州市上千窖塵舊物淪藏孰迴眄寶摩才

氣蠹層霄隻眼搜潛快相見正以醜怪得瓌奇黃圃小

湘詎足羨流俗由來盲不知莫道逢人論價賤南塘研

山六六峰付與襄陽墨瀋濺七容寮中玉帶生真賞終

應待才彥卽今書劒揖平津不比江淮邁世變龍寶照

耀發新硎學府文堂騁曼衍一取春波洗更清

荆公咏
硯句

好爲緇緹重璧瑗

送唐次衣暫還廣陵

花發蕃釐白玉枝何郎霧夕最能詩
三書光範窮途憾一賦凌雲

聖主知燕市風煙醒客夢揚州櫻筍羨歸期
挂帆暫唱江南弄遲爾高秋對酒卮

題臬司寇秋英寒蝶圖

指頭畫

畫菊舊聞黃季子况從寒蝶憶邊鸞
卽今信手開生面莫作流傳粉本看

題張衡臣前輩垂竿圖

松葉翠若浮花跗紅初釀坐來春煙中
光影入俯仰陂

樓郵詩集卷七

忍冬齋集

九

塘二三月暖波帶層嶂便可理釣竿
鼓柁答漁唱先生天際人曷由恣閒曠
高情結巖林道味豁塵障浮山六六峰
清夢接遙貺披圖一尋之依約皖江上

商丘宋公招飲緯蕭堂分賦

初冬朔氣厲日色白于水卉木一以腓
冷風鳴窗紙澄澄緯蕭堂閒閒奉杖履
不見忽逾月談笑蠲吝鄙消寒命杯杓
煖氣盍浮螳北餉兼南烹重飫雙魚美
悠然話園林了不關朝市鷗鳥已忘機
淙波思洗耳矐言冬嶺秀松風坐中起

宋公揚談西破巖松之美

勿謂長安喧良會
有靜理

爲商丘宋公題景行圖

鷓雛振翼麟奪角盧谷切天產靈奇是使獨公之生也早

超羣十載彎弧馳驪躡身隨豹尾纔十四脚底風雲莽
蹋蹴錦韉寶璣從去聲

先皇射獵畿南撼川谷桑乾河上躍馬過拜賜鵬翎箭一
束雍容奏對動

天顏却換文班釋戎服折節披吟萬卷餘學府文堂飲

膏馥清冰炯炯濯元精雪園聯袂皆名宿正逢曼倩上

書年旃蒙協洽歲所躔東方大中二十二歲上書公于
乙未年二十二出遊此圖作于

是年片帆高挂江之滸滌陽東接秣陵煙千里江山入行

篋六朝風月供吟牋詩壇羣公奉牛耳南邦却讓中州

先不薄今人愛古人瓣香翹首睂山巔蘇公入洛亦廿

二而至公之出遊年相值直吏切歸來繪作景行圖六百

樓卮詩集卷十 忍冬齋集

十

餘載結同志春風澹蕩滿林塘聳翠垂紅花木侍烏皮

敷坐儼巾衫手捧一編如講肄頓覺古人樂有我直駕

秦晁高位置公今聲實壓寰區道業文章緬遙企五十

年來歲月遷今逾七十正華顛回頭少壯在眼底此圖

長向堂中懸前蘇後宋兩輝映垂老面貌加清妍前年

江南扈 清蹕猶能跋馬鳴金鞭

天子賜書曰福壽曳履穩步河隄前卽看七十如二十

大年難老真天全君不見古來名人無凡骨大中玉局

皆神仙

題吳寶崖賜居作傳圖次原韻

見說蚩冷多鬻銜浮光過眼如抹電侏儒却笑東方饑

司馬難逢楊意薦南屏有客擁文堂恥學輩流占小善
劔鉞鏽匣氣空騰錐穎發囊末不見幸逢

聖主愛人才撈玉棟金曾弗倦縫掖分穿

御賜衣藿食常叨大官饌宋金元明四代詩特詔詞人
摻緝徧賜宅高依尺五天檐廊花木春風扇閉門却掃
羅縑緗卷帙排成冠小傳舊錄都憑延壽編新史全歸
永叔撰夜燈脫棗桃花牋曉露濡毫蕉葉硯老藤壓架
千紫英高柳亞墻萬綠線有時飲罷步吟詩或者睡餘
坐展卷律調鼓吹元裕之樂府源流郭茂倩詩客已開
履道坊酒仙還上金鑾殿披圖一覲好顏儀之子豈應
長貧賤麟篆晶芒康水書鯨吸憑陵河朔宴鳶肩火色

樓部詩集卷七

忍冬齋集

士

自乘時蛟躍麗翔方共羨文章報國足千秋詎但一時
志殊眷

題熊遲度北固山畫冊

南徐城外煙沉樹北固山頭霧滿天展卷忽醒塵土夢
六年不上過江船

除夕商丘宋公招飲分賦

鵬尾未破春一歲殘一夕虛堂耿寒光梅花香著莫山
公興味清餞歲聚詩客此風念已杳九衢塵空積復此
文字飲繁桉照幕垂水陸壓段珍殺蒸麗蘭藉三爵接
談諧四壁賞古蹟把卷誦清芬文康遺手澤書題闕世
變毫素感今昔起步更促坐汾州甕初拆名耐不虛傳

深杯乃絡繹清煙吐燭花微颺動簾額節序赴壘蛇新
舊幾遷易東坡歲暮篇三和憶風格余自甲辰除夕和
東坡公歲暮三首
至今凡 匆匆五十年此日足可惜今幸遊師門唱酬奉
三和 硯席山阿拾香草雲津弄搖碧隨時景皆佳覓句地無
擇行將躡春蕪東風傍輕策

樓邨詩集卷十七

樓邨詩集卷十七

忍冬齋集

三

樓邨詩集卷十七

樓邨詩集卷十七

樓邨詩集卷十七

樓邨詩集卷十七

樓邨詩集卷十七

樓邨詩集卷十七

